

**QUESTIONES ALIQUOT
ET THESES MAXIME
CONTROVERSAE, EX
UNIVERSO JURE CIVILI
PASSIM...**

Werner Theodor Martini, Daniel
Ponatius, Valenti Gonzaga



P R Æ F A M E N.



Isto Tibi, Benevole Lector, enucleatas aliquot Juris quæstiones, scitu necessarias & valdè utiles; sed quæ magnam multamq; dubitationē non in Jurisprudencia tantū sed Theologia & Philosophia habent. Ipse fateberis vel experiendo disces, quam difficilis ipsarum fuerit veritatis indagatio, & quot ingenia, quæ præter vulgū aliquid sublime sapiunt, in earum cognitione hæreant. Non vana tamen spe inducor ut credam, eas difficultates hâc operâ aliquantisper superatum iri. Annexi theses ex universo Jure Civili passim desumptas & quas Juri summi valde dubias & difficiles esse statuerunt. In tot, enim diversis, & non cuivis obviis materiis ingenium rectè demū exerceri potest. Enimvero Eos longissimè à vero disputandi scopo aberrare semper putavi, qui ad ostendendā ingeniū promptitudinem, res abstrusas & ignotas, vel cuivis obvias & de quarum veritate dubitari non potest, Eruditorum examini exponunt. Sicut & illi haud rectè faciunt vel nullam laudem certè merentur, qui aliorum dun-

taxat iudicio, scriptis & verbis indignè utuntur, modo novum producant foetum, aliena verò industria partū. A quo scribendi genere semper animus meus abhorruit, siquidē levis hæc & fucata gloria planè non decet honesta & rectè educata ingenia, quæq; omnem ætatem optimis quibusvis artibus devoverunt. Equidem si in votis habuissem unicè, justum perfectumqve tractatum meditari; materiam ingenium suppeditasset cujus gravitas cum utilitate & difficultate conjuncta, multi laudi & gloriæ esse potuisset; Sed quoniam id saltem in animum induxeram, ut iis, qui ingeniorum delectum habent eaq; prudenter dignoscunt, nec non sedulos optimarum literarum cultores merito suo æstimant, meam in jure privato diligentiam, etiam in hoc celeberrimo Musarum Emporio probarem; in spem veni, fore, ut subitaneus hic & paucorum dierum labor iis gratus nec planè frustraneus futurus sit. Si verò omnia haud rectè & accuratè posita fuerint, id ingenio, Benevole Lector, quod exiguum est, condonabis; causam verò inopiæ optimorum Autorum, quorū industria adjuvari potuisssem, tribues. Sed divino fretus auxilio ad rem progredior feliciter!

QVÆSTIO I.

An in irrogatione pœnarum servanda sit proportio geometrica vel arithmetica; Et ad quam Justitia speciem commutativam vel distributivam pœna rectè referantur?

Magni sanè atque Clarissimi Viri extiterunt hæcenus tam inter JCtos quàm moralis Philosophiæ Doctores, qui hanc quæstionem in Commentariis suis ad Jus Civile & Aristotelis doctrinam de moribus satis prolixè explicarunt, nec non peculiare Dissertationes de ea conscripserunt. Sed nihilominus obscura satis multisque difficultatibus implicata est; adeò ut quis non immeritò dubitare possit, utrum difficilior, & quæ simul in vita utilitatem præbet, in Jure Civili inveniatur. Præterquam enim quod Autores varii variè dissentiant diversasque sententias tradant, difficillimum est accuratam terminorum explicationem invenire; siquidem Mathematici ipsi ex quorum Disciplinis & interpretatione ea solùm peti potest ac debet, varie inter se dissentiunt, nec uno eodemque modo hos proportionum terminos explicant. Neque minor in Philosophia Morali est difficultas, quando hæ voces rebus contingentibus justè & convenienter applicari debent. Cum tamen Judicibus simul & causarum Patronis multum intersit, scire, utrum pœnæ semper æqualiter nullo habito delinquentium respectu, an verò respectivè consideratis personarum qualitatibus imponi debeant. Quare si id effecero, ut Benevolus Lector, veram terminorum explicationem hîc invenire & ita fundamentum quæstionis rectè cognoscere possit, operam summè necessariam & utilè me præstitisse putabo; Cæterum de nostra assertionis veritate sine affectu prudenter judicabit. Initiû itaque ab ipsa terminorum explicatione faciam & postea videbo, an hi termini ad res contingentes rectè applicari possint? Propria verò proportionis explicatio pertinet ad mathesin, ubi quando, de quantitate, ut ad æquationem totius matheseos objecto docetur & affectiones ejus communes, quæ quantitati quia ipsa accidens est, non realiter, sed analogicè saltem tribuuntur, explicantur, inter unitas sive mediatas numeratur proportio. Dicta autem est proportio, à pro & por-

tionibus secundum partes inter se collatis, ut tradit *Mart. Marrin. in Lex. Etym. sub b. voc.* Communiter duplici modo accipitur, vel propriè sive strictè, pro habitudine quantitatis ad quantitatem secundum certam & adæquatam determinationem; quæ acceptio Mathematicorum propria est; vel impropriè sive latè, pro habitudine aliarum rerum quæ comparationem vel similitudinem quandam inter se habent. *Thom. 1. q. 12. art. 4.* Græcis dicitur *ἀνάλογια*, alias etiam habitudo; comparatio, similitudo. In ista autem significatione definitur ab *Euclide defn. 4. V.* quod sit rationum similitudo h. e. mutua quædam rationum convenientia; Vel ut explicat *Casp. Scottus in. Curs. Mathe. l. 3. ad b. Eucl. defn. p. m. 93.* unius rationis ad aliam comparatio. *vid. Christoph. Clavius ad b. Eucl. def.* Hic notari debet distingvendam esse & probè separandam rationem à proportionem, quæ duo à plurimis confundi solent: Ratio enim, Græcis *λόγος* dicta, est mutua quædam convenientia inter duos numeros sive quantitates quasvis homogeneas; e. g. inter 4. & 8. ratio dupla est quia 4. bis continentur in 8; Inter 5 & 15. ratio est tripla quia 5 ter continentur in 15, inter 3 & 12 ratio est quadrupla &c. Et hæc ratio cognoscitur è divisione numeri majoris per minorem, qui & hoc respectu termini dicuntur. Differt itaq; ratio à proportionem, quod eam numeros vel alias quantitates juxta habitudinem conferat; hæc verò rationes numerorum expendat atque comparet. Deinde ratio semper tantum inter duas quantitates sive terminos esse potest; Proportio verò inter plures & ad minimum inter tres instituitur; ut sicuti se habent 5 ad 10 ita 10 ad 20; vel quæ est ratio 4 ad 2 ea quovque est 8 ad 16. scilicet dupla. Malè itaque Boethius *l. 2. Arith. c. 40.* definit proportionem quod sit duorum terminorum ad se invicem habitudo & quasi quodammodo continentia; quæ definitio magis rationi, nullo modo verò proportioni convenit; hinc manifestè constat ipsum confudisse hæc duo, sicuti plurimi inter veteres & recentiores fecerunt. Dividitur proportio variè vel in continuam, vel discontinuam, cujus utriusque exempla paulo ante adduxi; vel etiam in ordinatam seu directam, vel inordinatam sive confusam de quibus videri potest *Beat. Dn. Nottnagelii hic quondam Professor Mathemat. super celeberrimus & in hanc Rempubl. lite*

variam præclare meritis, in Cursu Mathem. tr. 1. apb. ss. 56. 67. seqq.
 ubi hæc accuratâ faciliq; viâ, more solito explicavit. Præterea di-
 viditur proportio in geometricam & arithmeticam his addi so-
 lent tertium membrum nimirum Musicam, sed quia hæc non in-
 servit meo proposito deliberatò eam silentio prætereo. Pro-
 portio geometrica, quæ & solum quibusdâ proportio audit est,
 quando minores numeri cum majoribus ita comparantur, ut sem-
 per æqualitas rationum maneat. Veluti ex his numeris patet
 4, 8, 16, 32. In his numeris distantia planè inæquales sunt; nam 32
 longiori intervallo distat à 16; quam 8 à 4; Sed rationes inter
 hos numeros eadem & sibi similes sunt: Sicut enim ratio inter 8
 & 4 dupla est; dum 4 bis continentur in 8; Ita quoque eadem est
 inter 32 & 16, nam 16 bis continentur in 32; Et hæc dicitur æqua-
 litas rationum. Proportio Arithmetica est; quando numeri ita
 comparantur ut semper æquales distantia inter eos constituentur;
 ut constet ex his numeris 3, 5, 7, 9, 11, 13, qui numeri planè sunt
 diversi & inæquales, neque rationes inter eos ullo modo conveni-
 unt, sed solum differentia sive distantia eadem est; sicut enim nu-
 merus ternarius superatur duabus unitatibus à quinario, ita etiam
 eodem intervallo 7 superatur à 5 &c. Itaque in hac proportio-
 ne non respiciendum est ad numeros, qui & æquales & inæquales
 esse possunt, neque ad rationes, quæ non attenduntur; sed ad solas
 distantias seu differentias quæ semper æquales esse debent & for-
 male hujus proportionis constituunt. Sic æque distat 8 ab 7
 quam 6 à 5 scilicet unitate; Et hæc dicitur æqualitas differentiarum.
 Ex his jam differentia utriusque proportionis perspicue patet, quæ
 in ipsa forma consistit. In proport. enim geometrica æqua-
 lis seu eadem ratio, formale constituit: In arithm. vero æ-
 quales distantia sive differentia formam absolvunt. Jam vi-
 deamus an hi proportionum termini; utpote ex Disciplinis
 speculativis desumpti in divinarum humanarumque rerum noti-
 tia & morali Philosophia commodè ad delicta eorumque pœnas
 applicari possint? Inveniuntur nonnulli inter Eruditos qui exi-
 stimant, hos proportionum terminos qui ad res necessarias in in-
 thesi pertinent, in Disciplinis Practicis ad res contingentes nullo
 modo, nec propriè nec impropriè applicari posse; Cum quod prin-

ciipiis Speculativis repugnet ut secundum ea operatio instituat^{ur} ;
tūm qv^{od} accurata omnibusq; numeris plena differentia in rebus
contingentibus propter earum incertitudinem sicut in numeris
dari neqveat. Accedit qv^{od} hic comparatio inter planè diversa
instituat^{ur} veluti personas & delicta; cum tamen indubitata sit ve-
ritatis apud Mathematicos inter diversas quantitates, veluti line-
am & numerum, proportionem haud consistere posse. Verum e-
nim verò licet Justitiæ Distributivæ ac Commutativæ veritas non
ex Disciplinis Mathematicis earumqve principiis arcessi debeat,
qvippe qvæ plane aliena sunt à Justitia nec ad ejus specierum na-
turam aliquid conferre possunt, dum ea suis constant principiis,
neqve necesse habent ut ea aliundè mutuentur : Attamen propter
adductas rationes non moveor qv^o minùs affirmem, hos propor-
tionum terminos in Jurisprudentiâ & morali de moribus doctri-
na diverso respectu commodè applicari posse. Cum enim justitiæ
Distributivæ natura postularet, imo ad conservandam Reipubl.
tranquillitatem felicitatemqve necesse esset, ut in distributione
honoris vel aliarum rerum, qvæ ad hanc justitiam pertinent,
personarum haberetur ratio, earumq; status, dignitates nec non
merita observarentur; siquidem id qv^{od} alicui ex hac justitia tri-
bui debet personam, ejusqve statum & merita imprimis respicit;
unde distributio justa esse nō potest, nisi differentia personarum ex
conditione & meritis exactè observetur atqve ex ea demum æqua-
litas justè determinetur: Qui personarum respectus, cum eo mo-
do ex naturâ hujus justitiæ esset habendus & planè similis appare-
ret proportioni geometricæ, qvippè qvæ etiam rationes quanti-
tatum observat nec æquales numerorum differentias desiderat;
Juri & morali doctrinæ Doctores, commodatè acceperunt ex
mathesi hunc terminum eumqve convenienter ad res contingen-
tes in Justitia Distributiva applicarunt; ita ut hæc proport. geo-
metr. esset norma Justitiæ Distributivæ; sed alia ratione sive consi-
derandi modo quam in Mathesi, propter objectum qv^{od} hîc planè
diversum est; Itaq; : Hoc sensu describi potest, qv^{od} sit norma Just-
itiæ Distributivæ, qvæ æquitatem in distribuendis præmiis, oneribus
& poenis ex personarum meritis & qualitate determinat. Eo-
dem modo se res habet cum Justitia Commutativa, qvæ versatur
circa

circa *παραλλάγματα* s. commutationes & contractus: Hæc enim cum ad conservandas societates & omnium contractuum æquitatem necessariò requireret æqualem sine ullo, personarum respectu, permutationem; siquidem æqualitatem in sola distantia à lucro & damno quærit, quod etià nisi fieret, alter contrahentium injustè luctum, alter damnum iniquè sentiret & per hoc justitiæ natura planè violaretur. Itaque cum natura hujus justitiæ æquales semper distantias inter lucra & damna in quovis contractu requireret & per hoc similis esset proport. arithmet. quæ etiam æquales semper numerorum differentias & intervalla exigit; Constituerunt Doctores ut norma Justitiæ Commutativæ esset proport. Arithmetica, quæ tamen hic diversum objectum habet nimirum non quantitates homogeneas sive ejusdè generis, sed res diversas quæ cõparari vel permutari possunt; modo æqualis sit earum æstimatio & pretium, nec non forma sive æqualitas differentiarum eadem maneat, quamvis improprie ad diversum objectum applicetur. Quare hoc sensu describi potest, quod sit norma Justitiæ Commutativæ, quæ æquitatem in omnibus contractibus, ex sola æquali lucri & damni distantia, justè metitur & propterea personarum respectum planè respuit. Unde patet hos terminos satis convenienter in Disciplinis Practicis applicuisse Veteres. Nequè id absurdum est aut naturæ horum terminorum repugnat, cum mediocriter in Philosophia tantum vefsato abundè constet, etiam terminis ex Philosophia Theor. petitis explicari disciplinas Practicas, sicut communissimus eorum usus id docet. Idem fit in Jurisprudencia, quæ etiam aliarum Disciplinarum & facultatum auxilio indiget; Unde tot terminos Philos. Theoret. egregie in ea adhibitos & applicatos esse videmus. Mensuratio ad Geometriam propriè sine dubio pertinet, sed quis ignorat frequentissimum illius in Jurisprud. usum. Controversiæ enim finium regundorum justè terminari vel decidi non possunt, nisi mensuratio accedat & cuiquæ suos fines constituat: Idem fit in controversia de insula in Flumine nata, & quæ in mediam partem fluminis tenet, quæ si in medio fluminis alveo enata est, eorum fit qui prope ripam prædia possident; Si verò ultra vel cis medium flumen nata fuerit contra frontem unius prædii, tunc acquiritur illi Domino ejus prædium

est; si frontem pluribus prædiis opponat, tùm communis sit eorã qui ea prædia possident ut docet *JCtus Cajus in l. 7. §. 3. ex. de A. R. D. §. Insula 22. Inst. de Rer. divis.* Sed unde hæc proximitas & justa distantia cognosci potest nisi beneficio mensurationis. Computationis origo & explicatio ex Arithmeticis petenda est, sed nihilominus egregiè in Juris Romani prudentia applicatur ad materiam de Nuptiis quando graduum computatio instituitur. Non dicam de tempore, loco, substantia, causis, possibili, casu & innumerabilibus aliis terminis qui ad res necessarias in Philosophia Theor. propriè pertinent, sed nihilominus in Jurisprudentiã ad res contingentes applicantur. Et hoc cum omnibus Facultatibus commune habet, concatenatæ enim sunt Disciplinæ omnes & ita aptæ inter se colligatæq; ingenuæ artes, ut uno quodam societatis vinculo contineantur. Hinc non sufficit JCto Acroamatico sive summo, legum duntaxat cognitionem habere, sed præter optima & necessaria Historiæ Organicæ & Philologiæ subsidia, necesse est ut accuratam totius Philosophiæ Sobiæ cognitionem habeat, neque ignarus sit Theologiæ imprimis Theticæ & Ethicæ s. moralis: Quibus summa cum laude adjunget generalem ex Medicina Physiologiæ & Anatomiæ cognitionem: His enim ut necessariis requisitis in decidendis controversiis & explicandis legibus summopere indiget, quod aliquot exemplis probatum darem, nisi instituti mei ratio prohiberet. Ceteræ rationes in contrarium supra adductæ nihil efficient, siquidem experientia satis testatur quod secundum hujusmodi terminos, qui in Disciplinis practicis ad res contingentes applicantur, ut jam demonstratum est, etiam operatio possit institui: Neque denique necesse est, ut, quando hi proportionum termini ad res contingentes transferuntur, accurata omnibusque numeris plena differentia constituatur, sicut in numeris requiritur, quoniam hic impropria eorum est acceptio & ad diversa objecta applicatio.

His justo ordine explicatis quæstio ipsa jam resolvenda est quæ duobus membris absolvitur; Primum est an in irrogatione pœnarum servari debeat proport. Geometr. vel arithmetica? Alterum ad quam justitiæ speciem, Commutativam vel Distributivam pœnæ rectè

rectè referantur? de illo itaque priùs videndum est, quo posterioris veritas eo faciliùs innotescat. Varias autem imò planè contrarias sententias de hac quæstione prodiderunt Autores: qui Aristotelis doctrinam de moribus interpretati sunt, in duas planè diversas sententias abierunt; *Averroes l. 5. Eth. c. 4. Cajet. ibid. Acciajol. l. 5. Eth. c. 5. Thomas ibid. l. 6. & 8. & 22. qv. 61. art. 3. Scotto de Justitia & Jure l. 3. qv. 5. art. 1.* Inter Recentiores *Henn. Arnisæus cum in peculiari hac de re dissertatione, tum in Doctrina politica l. 1. c. 18. Dn. Musæus in Dissert. de equal. in Justit. part. observ. & in alia Disputat. utrum equal. int. delict. & pæn. geom. an arithm. proport. consist. sit. Hornejus l. 3. moral. Philos. c. 13. n. 2. seqq. & alii ex Aristotele defendere conantur delictorum pœnas proport. arithm. irrogandas esse. Quibus accesserunt Jcti gravissimi Dn. Struv. Syntagm. Jur. Civ. Exerc. 1. tb. 32. Habniius ad Wesenb. de Just. & Jur. n. 11. Tandem hæc sententia etiam placuit magno & incomparabili Grotio in libro de J. B. & P. l. 2. c. 20. §. 2. n. 3. Contra verò *Magirus in Comment. l. 5. Eth. c. 3. Golius ibid. Donaldsonus l. 3. Eth. c. 7. Car. Franc. de Abra de Racon. sect. 3. Eth. art. ult. membr. 2. p. 84. Conimbricenses Disp. 9. q. 1. art. 2. Sebast. Foxius compend. Eth. Philos. l. 3. c. 12. Christ. Libent. Coll. Eth. exc. 13. n. 26. seqq. Heilandus c. 3. Statuunt proportionem Geometricam pœnas justè tantum imponi posse. Quam sententiam Dd. communiter sequuntur & egregiè eam illustravit Wesenb. in Parat. de J. & J. n. 11. cui adjungi potest Mynsing. ad Inst. tit. 1. pr. Ehem. de princip. jur. l. 5. c. 2. Magnif. Dn. Brunnem. in Comment. Cod. ad l. Presbyteri 8. C. de Episc. & Cler. n. 10. Sicut & eam non obscurè probant Prosop. Farinac. quando pœnas juxta facti & personarum qualitates imponendas esse probat l. 1. qv. est. crim. q. 17. n. 7. seqq. ubi simul vid. Autores pro b. sent. magno numero allegatas & infr. l. 3. q. 92. q. 97. q. 98. n. 19. & 93. n. 179. nec non Magnif. Dn. Prasfes Jctus judicio promptus, & qui æterna cum laude optimas quasq. literas cum jurisprudentia conjunxit, in Jurispr. Crim. Disput. cap. 3. sect. 3. n. 20. Aliter sentit Carpzovius in Pr. Crim. l. 3. qv. 98. quando distingvit inter Delicta certam pœnam lege vel statuto habentia, & inter ea, quæ pœnâ arbitrariâ & uniformi coercentur; In his proport. geometr. sive personarum respectum admittit, in illis verò negat. Quem sequutus**

est *Godofr. Fibig. in Colleg. leg. publ. ad Dn. Franzkii Exercit. disp. 1. q. 1. Dn. Sam. Puffendorff Elem. Jurispr. univers. l. 1. d. 17. n. 4.* existimat ad neutram Justitiam commutativam vel distributivam posse referri poenarum irrogationem, sed spectare eam ad peculiarem Justitiæ speciem quæ vindicativa vocatur. *Acutissimus Bachovius in Comment. ad τὰ ποῖνα ff. tit. de J. & J. n. 3. & 4. nec non in notis ad Wesenb.* tradit poenas infligi proport. harmoniâ, de qua Cicero scripsit quod ea, quæ longissime distant, præclare conjungat & constituendâ æquitate summa cum infimis pari jure retineat. *Felden in Annot. ad Grotium* tres species justitiæ ex Aristotele probare conatur, distributivam, correctivam & retributivam. In illa proport. arithm. in hac verò geometricam observandam esse purat; sed Poenas omnes ad unam speciem referri non posse tradit *ibid.* quæ enim actionibus civilibus petuntur, eas à justitia retributiva provenire, & executionem ad correctivam pertinere, existimat. Sicut prolixè sententiam suam exposuit *in d. not. ad ff. 8. l. 1. c. 1. p. m. 18 seq.* Verum sicuti non capio ea, quando in Justitia commutativa proportionem geometricam observandam esse censet, & arithmeticam proportionem contrariò planè modo explicat; Ita hæc doctrina Aristoteli & omnibus moralis Doctrinæ Doctoribus contraria, hætenus nullum assensum meruit, quare haud necessarium duxi illam hic ulterius examinare. Plures Doctorum sententias jam addere nolui. Quid itaque in tanta opinionum diversitate asserendum sit difficile sanè videtur. Equidem certum est, ad Justitiam distributivam vel commutativam hunc actum referendum esse, quare etiam una proport. species geometrica vel arithmetica ei applicanda est; At quæ illa esse debeat, ex diversa Autorum interpretatione multam dubitationem habet. Sed consideratis probè utriusque opinionis rationibus, ea vera mihi & naturæ justitiæ nec non proportionum conveniens esse videtur, quæ tradit poenas proportionem geometricam imponendas esse. Probè autem notari debet, quod accuratè hic distingvenda sit prima poenarum ad delicta impositio, quæ leges publicorum judiciorum vel Constitutiones criminales sunt; & poenarum executio sive illarum legum applicatio: De illa hic non quæritur, siquidem certum est quod illa propor-

tione

tionē arithmeticā constituatur : Quando enim Legislator sive
 summa in Republ. potestas pœnam delicto generali & publicā le-
 ge sancit, tunc in abstracto sine personarum & rerum complexu
 pœnam justam, ex æquali damni dati & supplicii distantia cri-
 mini imponit, ita ut distantia inter pœnam & delictum æqualis
 maneat : v. g. Si pœna Homicidio statuenda esset, tum ex man-
 dato divino propter dolum, turbatam Reipubl. tranquillitatem
 & maliciosam nec non prohibitam vindicandi libidinem, pœna
 capitis gladio vindicanda, statuenda foret ex æquali delicti &
 pœnæ distantia ; Sed hæc in executione omnibus omnino delin-
 quentibus indifferenter haud justè imponetur, quoniam omnes
 hujus delicti species non sunt æquales & eadem, sed interdum
 planè dissimiles ; Quare Judex qui legem hanc exequitur, tenetur
 omnes circumstantias accurate examinare, & delinquentium
 qualitarum rationem habere, juxta quas deinde pœnam vel exa-
 sperare vel minuere potest, ut tradit *Lucas de Penna in l. 1. C. de*
Desertor. l. perspicendum 11. l. aut facta 16. π. de Pen. Sed mihi
 hic sermo est de legum executione, quando pœnæ delicto ge-
 neraliter statuitur, singulis factorum speciebus justè applicari &
 imponi debent, quod nullā aliā quam proportionē geometr. fie-
 ri posse paulo antè asserui ; & quidem propterea, quoniam Legis-
 latores in legibus criminalibus semper præcipiunt & volunt ut
 personarum qualitates in executione observentur earumque sta-
 tus respiciatur, sicut probant *d. l. 11. & 16. π. de Pen. l. 1. & 2. π.*
de term. mot. l. 1. §. 1. π. de effract. & expilat. l. 1. §. ult. l. ejusdem
3. §. antepen. π. ad l. Cornel. de Sicar. l. Pedius 4. §. 1. π. de incend.
ruin. naufr. l. ult. π. de injur. & plures aliæ leges, ex quibus has
ut præcipuas mihi allegasse sufficiat ; Cum quibus consentit
Constit. Carolin. artic. 160. in verb. Mehr sol ermessien werden/
der Stand und das Wesen der Person so gestohlen hat
&c. artic. 159. in verb. oder sonst nach Gelegenheit der Per-
son und Ermessigung des Richters in andere Wege ge-
strafft werden / Artic. 167. Der ist nach Gelegenheit der
Person und Sachen zu Straffen. quæ verba pluribus a-
 liis locis etiam repetuntur ; Cum quibus concordat *Constit.*

Elect. Saxon. 23. part. 4. verb. So sollen sie beyde &c. § 32. p. 4. §. und soll in diesem Fall. verb. Jedoch soll gleichwohl &c. Quapropter ita concludo; In quocunque actu Justitiæ, personarum qualitas s. conditio, ætas & status observari debent; ut qualitates aggravantes delictum & minuentes, in eo observentur proportio geometrica necesse est; At in irrogatione pœnarum observari debent personarum delinquentium conditio, ætas, status & dignitas ut qualitates delictum aggravantes & minuentes; Ergo in ea observetur proport. geometr. necesse est. Majoris connexio ex vera terminorum explicatione supra tradita patet atque inde manifesta satis & perspicua est; Proport. enim geometrica personarum duntaxat rationem habet; Arithmetica verò personis utitur ut æqualibus & solam distantiam inter lucrum & damnum spectat. Minor verò propos. ex allegatis legibus satis constat: Cum enim leges omnes casus vel circumstantias comprehendere non possint, *l. neq; leges 10. § l. non possint 12. w. de legib.* atque hinc sufficiat, ea quæ plerumque accidunt, continere. *d. l. 10. w. eod.* Igitur legum Conditores Judici dederunt hanc facultatem, ut cujusq; facti speciem, juxta delinquentium conditionem & statum, nec non delicti causam prudenter examinaret & secundum eas qualitates & circumstantias, pœnam, delicto à lege generaliter statutam, quandoque augetet vel minueret, sicut docent *d. l. 16. §. ult. w. de Pœn. l. hodie 13. § in ea Bart. & Dd. w. eod. Glossa & Dd. in l. etsi severior 3. C. ex quibus caus. infam. irrog. Vid. Prosp. Farinac. quest. Crim. l. 1. q. 18. n. 7. & Autores ibidem magno numero allegatos.* Neque per hoc judex contra legem facit, multò minùs ab ejus dispositione recedit, aut lege severior vel benignior est; Sed potiùs legem ejusque vim ac potestatem servat, quæ præcipit ut personarum delinquentium ratio habeatur, & secundum eas circumstantias pœna justè commensuretur, sicut ex d. legibus cuius inspicienti patet. Deinde id utilitas Reipubl. postulat, ut variæ personarum differentiæ, sicut in distribuendis præmiis, ita etiam pœnis, diligenter attendantur: Varii enim & planè inæquales sunt hominum ordines, quos divina Providentia non frustra constituit. Imo diversa ingenia & mores provida parens, natura quotidie producit. Cum itaque ma-
gnum

gnum discrimen intercedat inter probum & improbum; virtute
 præditum & vitiis deditum, illustrem & plebejam, publicam &
 privatam personam, magistratum & subditum, necesse est, ut hæc
 personarum discriminia in pœnis imponendis probè observen-
 tur; siquidem ipsa delicta vel leviora vel graviora reddunt, un-
 de etiam illud æstimandum est, quod unus leviori alter non nisi
 graviori pœnâ emendari potest: Imò hujus vel illius conditio si
 status postulat ut leviori interdum vel etiam graviori pœnâ, pro
 diligenti temporis observatione, afficiatur quam lege generali
 statutum est. Quæ omnia nisi in personis delinquentibus dili-
 genter observarentur, injusta foret pœnarum impositio; Non e-
 nim personæ hic simpliciter considerantur, sed quatenus has qua-
 litates conjunctas & annexas habent, quas & pœnæ interdum in-
 grediuntur; proportio verò Geometr. solum personarum ratio-
 nem habet; Itaque pœna eadem imponantur necesse est. Tertio
 id clarè patet in delicto injuriarum ejusque pœnâ, quam Impera-
 tor, ex personarum respectu pro conditione delinquentium, di-
 versam fecit. Si enim ab illustri & plebeja persona eadem inju-
 riæ illatæ fuerint, pœna secundum gradum dignitatis vitæque; ho-
 nestatem vel augetur vel minuitur, ut probat *§. pena. 3. Inst. de In-
 jur.* Immo aded personas respexit Imperator, ut personis illustri-
 bus permiserit actiones injuriarum criminales per Procuratores
 & persequi & suscipere, quod plebejis prohibitum est, ut docet
Constit. Zenoniana quæ extat in l. ult. C. cod. Ex eodem respectu il-
 lustres in eo loco ubi crimen perpetrarunt conveniri nō possunt,
 sed ad Consistorium Principis remittendi sunt *l. 1. C. ubi Senat. vel
 Clariss.* Et quotidiè videmus, quod ii qui virtuti dediti ex huma-
 na imbecillitate semel delictum committunt, mitiori pœnâ affi-
 ciantur, quam ii qui inhonestis moribus enutriti & vitiis nec non
 sceleribus cooperiti idem delictum perpetrarunt. De qua obser-
 vantia consulendi Criminalistæ, imprimis *Prosp. Farinac. lib. 1. in
 Prax. Crim. qu. 17. n. 7 seqq.* Quarto id non obscure probatur ex
 causis istis, quæ pœnam ordinariam ex personarum respectu in-
 terdum minuunt, ut minor ætas, melancholia, nobilitas, senectus
 &c. De quibus videri potest *Andr. Tiragv. in Tract. de Pœnis tem-
 perand. ubi 64. causas recenset, Lucas de Pœna in l. unic. C. de Colon.*

Illyric. lib. 11. Felin. in d. qualiter & quando 24. x. de Accusat. Ludov. Carrer. in Pract. Tract. de Homicid. Julius Clarus in Pract. §. ult. qu. 60. Prosp. Farinac. in Prax. Crimin. l. 1. qu. 17. n. 8. seqq. ubi multos Auctores pro hac sententia allegavit ; Infr. verò lib. 3. singulas istas causas prolixè satis prosecutus est. Cui add. Carpz. in Prax. Crimin. part. 3. qu. 143. n. 2. seqq. & Disputatio de Pœnis legum temperandis, aut remittendis Jerem. Serseri, quæ videri potest apud Nicol. Reusner. l. 2. decis. 16. consentit Sanctio Carolina Art. 129. & in ea Matth. Stephan. J. Cuius haud vroleterie Eruditionis. quoniam igitur istæ causæ pœnam ordinariam interdum mitigant, quod æquissima justitiæ ratio exigit & experientia satis testatur ; oportet ut proportionem geometricâ puniantur delinquentes, id enim planè alias falsum & impossibile foret, si pœnæ delinquentibus æqualiter, sine personarum respectu proport. arithmeticâ, imponi deberent. Denique ad Experientiam quæ rectæ rationi innititur provoco, hæc quotidiè docet quod personarum ratio quoad vitam anteaactam, mores & dignitatem habeatur ; Dum ii quos natura & optima educatio, cæteris nobilitate, dignitate aut prudentiâ præstare voluit, leviori pœnâ emendari possunt, quam ii quos natura vel prava vitæ consuetudo perversos & illicitis voluptatibus obediētes finxit. Sed sæpiùs jam dictum est, quod nulla proportio personarum rationem habeat quam geometr. certum igitur est pœnas nullâ aliâ quam eadem imponi posse.

Neque veritatem hujus assertionis dubiam reddunt, ea quæ à Dissidentibus in contrarium prolixè disputantur, siquidem pleraque falsè applicantur, multa vero ex non rectè intellecta proportionum natura originem habent. Ea quæ difficiliora & majoris momenti esse videntur paucis attingam ; reliqua prudens Lectoris judicium dijudicabit. Omnium autem prolixissimè hanc quæstionem & diligentissimè post Arniseum ex Dissidentibus explicavit D. Horneus Vir Philosophiæ moraliæ gravissimus in Phil. Moral. l. 3. c. 13. n. 7. seqq. In initio autem vehementer irascitur Wesenbecio, quod diversa fecerit & separaverit primam alicujus pœnæ ad delictum impositionem ab illius executione, quando in Parat. de J. & J. num. 11. scribit :

Nam

Nam tametsi lex in genere & in abstracto citra aliquem personarum & rerum complexum, pœnam constituat arithm. proportionem & ex lege talionis delicto eam commensuret ; tamen Justitia hæc legis executrix seu magistratus instrumentum justitiæ, cum legem exequitur & in concreto de pœna persone applicanda disputat rem ad proport. Geometricam reducit , &c.

Hic sibi haud similem fuisse Wesenbecium & id asseruisse, quo nihil incogitantius unquam adseri potuit , tradit *Hornej. d. l. n. ii.* propterea quod executio legis nulla esse possit, nisi id fiat, quod lex jubet & eodem planè modo quo jubet ; hinc ita concludit : Nemo justè punitur nisi qui ita punitur ut lex præcipit ; Sed lex vult citra respectum personarum & proport. arithmeticâ homines puniri : Ergò justè non punitur quis cum respectu personarum & proport. geometricâ. Deinde planè inauditum esse putat, ut alius actus sit præceptum de re faciendâ, alius actio secundum illud præceptum conformata. Verum enim verò si Wesenbecii dicta accuratiori mentis indagine considerantur, non video quare inconstantiz, ne dicam inscitiz argui possit Doctissimus Vir, J. Cius memoria & judicio felix nec non artis methodicæ peritissimus. Ea enim quæ causis differunt necessario distinguenda sunt ; Sed primâ pœnarum impositio ab executione differt causis ; Ergò separari debet. Major propol. manifesta est, siquidem optimâ distinctio est, quæ in causis fundatur, cum scire sit rem per causas cognoscere juxta tritissimum illud Logicorum axiomâ : Minor ex comparatione omnium causarum patet ; Quoad causam efficitur constat quod primâ pœnarum impositio duntaxat competat summæ in Republ. potestati, quæ sola vi summi Imperii, quod jus Majestatis dicitur, vel supremæ Jurisdictionis territorialis, legum ferendarum potestatem habet ; vid. *Excellentiss.*

J. Cius

J.Ceus Dn. D. Job. Strauch. in Disput. de Statut. à summ. Princ. tb. 6.
Executio verò à Magistratibus inferioribus & omnibus Vassallis,
altam jurisdictionem s. merum Imperium habentibus, fieri justè
potest l. *imperia 3. π. de Jurisd. l. 1. pr. π. de Offic. Praef. Urb. Confer.*
Constit. Carolin. Artic. 1. & 2. Deinde quoad formam notari pot-
est differentia, quod in prima poenarum impositione æqualitas
inter delictum & poenam generaliter æstimetur, ex æquali poenæ
distantia & damni dari, secundum naturam vel dolum cujusque
delicti in abstracto considerati; In executione verò hæc æquali-
tas cum respectu ad personas earumque vitam & qualitates ju-
stè constituenda est, sicut paulò ante probavi. Tertio hæc
duo etiam objecto differunt, primæ enim poenarum imposi-
tionis objectum sunt delicta in abstracto considerata; In ea-
rundem verò executione personæ, quæ delicta perpetrarunt, ob-
jectum constituunt. Ex his itaque constat hæc duo à se invi-
cem differre & necessario distingvi debere, quæ si accuratius con-
siderasset *Hornejus* benignior procul dubio in Wefenbecium exi-
tisset? Nam incongruè in adduct. arg. & planè falsè concludit
ex dictis Wefenb. injustè puniri eos qui proportionem geometricam
puniuntur. Minorem enim propositionem affingit Doctissimo
Viro, quam tamen ubique constanter negat & in eo totus fuit ut
contrarium demonstraret, sicut cuivis inspicienti patebit. Nam
planè non propositiones æquipollentes sunt, poenam in legibus
criminalibus generaliter proportionem arithmet. esse statuendam,
& leges velle ut arithmeticam proport. puniantur homines, sed om-
ninò diversæ; Priorem asseruit Wefenb. prudenter, posterior-
em semper negavit quoniam rationi, experientiæ & adductis le-
gibus contrariatur; Itaque convenientius ex dictis Wefenb. in-
verso argumento concludi potest: Nemo justè punitur, nisi qui
ita punitur ut lex præcipit; Sed leges crimen præcipiunt ut in poe-
nis imponendis personarum habeatur ratio sicut ex legibus supra
adductis patet; E. injustè quis punitur proport. arithmeticam;
Et hæc vera Viri gravissimi sententia est. Nec absurdum etiam
vel planè inauditum est, ut alia norma observetur in legum con-
stitutione, alia in earundem executione, sicuti alius prudentiæ
actus est in parte Jurisprud. legislatoria, alius in consultioria.

Dein-

Deinde *Habnius in observ. ad Wesenb. d. l. de J. ac. J. n. ii.* legibus civilibus probat, poenam esse debere levem vel gravem, prout delictum leve vel grave est; quod Jcto gravissimo & in Jure civili nec non morali versatissimo libenter concedo; siquidem supra ostendi, id etiam interdum fieri ex personarum respectu, quem propterea necessarium esse in poenis imponendis d. leges probant. Quando verò statim subjicit, legibus civilibus cautum esse, ne personarum respectus habeatur, id Viro Jurisconsultissimo ex alleg. legibus concedere non possum; *l. i. enim. C. ubi Senat. l. Claris.* contrarium testatur, quando Imperator ex sola dignitate & personarum respectu illustres & spectabiles à foro conventionis in loco criminis commissi eximit, & solos clarissimos illic conveniri posse tradit; Eos verò ad Consistorium Principis remittendos esse docet *Brunnem. Jctus gravissimus & Juris civilis peritissimus in d. l. i.* Hinc etiam patet subjectam rationem, quod omnem honorem reatus excludat, strictissimè de solis Clarissimis esse interpretandam. Qui verò dicti fuerint illustres, quive Spectabiles & Clarissimi, obiter notari potest ex *Tiraq. de Nobil. c. l. Menoch. l. 2. A. Q. cas. 68.* Deinde in adductione *l. i. §. 7. π. ad l. Cornel. de Sicar.* procul dubio vitium typographicum est, nam hæc lex non tot §. continet; Quintus verò seu ultimus contrarium claris verbis testatur, quando præcipit, ut ei, qui in aliqua dignitate positus est, levior poena, ei verò, qui humiliori loco positus est, gravior imponatur. Denique *l. Presbyteri §. C. de Episc. & Cler.* etiam personarum rationem habendam esse probat, sicut paulò pòst pluribus declarabo. Tertiò ex loquendi formula vel verbo distribuere Dissidentes opinionem suam confirmare nituntur, quando hoc verbum poenis haud applicari posse tradunt; siquidem nihil distribui posse putant, nisi quod commune totius Universitatis est, & id si distribuitur, tunc singulis civibus ut partibus communitatis portio aliqua cedere debet. Sed præterquam quod verba valent ex impositione hominis & argumentum valdè infirmum quod inde deducitur; certum est, hoc verbum etiam usurpari de rebus singulorum, quæ certas ipsæ personas tantum distribui debent, ut constat *ex l. i. π. Famil. vtriusq.* & quis negaret hoc verbum multis delinquentibus, qui diversa delicta perpetrarunt & puniri

debent, convenienter applicari posse, cum usus illius non repugnet; Quicquid verò disputetur, lusus tantum in verbo est, & si quis pœnas infligi vel irrogari dicere malit quam distribui, in ipsius voluntate positum erit. Interim tamen notari potest, quod ratio Dissentientes pro principio habent, res communes esse solum objectum proport. geom. & Iustitiæ Distributivæ, contrarium enim supra probavimus, & infra ex altero membro ulterius patebit. Neque rectè concludit *Hornej. l.3. Philos. moral. c.13. n.16.* quando ita colligit, si geometricè delicta punienda sunt, necesse est, ut nobilis & liber acrius, ignobilis verò & servus mitius puniatur &c. Planè enim falsa hæc majoris consequentia est; Nam contrario modo plerumque personarum respectus in pœnis quàm in præmiis habetur, quod dignitas, quam pœna ingreditur, efficit, quæ in plebej nulla est; Nisi fortè crimen commissum pugnet cum dignitate, eamq; planè evertat, tunc enim ex respectu personæ pro certis circumstantiis & qualitatibus gravius interdum puniri potest. Exemplum est in *l. Presbyteri 8. C. de Episc. & Cler.* ubi constitutum est, ut Clericus, falsum testimonium perhibens; vel veritatem suppressens, multò magis crimine falsi teneatur, quàm alius; Ratio hæud obscura est, quoniam perjurium aut mendacium imprimis Dignitati Clericorum contrariatur; dum juramenta, quæ sanctè habenda esse alios severè docent, ipsi violant, spe immunitatis vel aliis lucri, & per hoc pessimum exemplum aliis præbent, nec non fidem DEO & Episcopo datam susq; deq; habent; Quod delictum sicut in persona sancta gravius, ita etiam severius est vindicandum. *Add. magnus Juris Civilis Hodogeta Brunhem. in Comm. Cod. ad b. l. n.5. & 6.* Ex hoc etiam personarum respectu miles quandoque gravius punitur quàm paganus *l. quedam. 14. π. de Pen. l. qui cum. 4. §. 2. π. de re militi.* Plura hujusmodi exempla vid. in *Tiraq. de Nobilit. c.20. n.1180.* Quintò ad Exemplum de fornicatione, adulterio simplici, duplici & incestu à *D. Hornej. n. 16.* allatum respondeo, quod ibi confundatur prima pœnatum impositio cum illarum executione; quæ distinguenda sunt, ut supra probavi; Cui addi potest, quod ibidem hæud rectè explicetur natura proport. geo-

geometrica, quæ non personam cum persona, vel pœnam cum
 pœna, sed pœnam cum persona, cui iustè imponi debet, compa-
 rat. Denique *dictus Autor* n.18. & 19. multis modis probare cona-
 tur, non violari proport. arithm. licet interdum nobilis leviùs
 ignobilis graviùs puniatur, quapropter variè distingvit delicta &
 pœnas; Sed si omnia accurata mentis indagine perpenduntur, qui-
 libet faciliè animadvertet etiam in istis omnibus violari proport.
 arithm: Cum enim certissimum sit principium, proport.arithme-
 ticam solam distantiam inter lucrum & damnum spectare & pla-
 nè nullum personarum respectum habere, sicut in quovis contra-
 ctu patet, licet Princeps cum subdito, nobilis cum rustico contra-
 hat; dum in his negotiis sola distantia æqualis inter lucrum & da-
 mnum iustitiam tueretur, & efficit ut neuter contrahentium injuriâ
 afficiatur; D. Horneus verò expressè tradat *d.l.* quod Nobilis in
 delictis ex proæresi commissis, graviore pœnâ afficiendus sit, cujus
 pœnæ graviore causam ex personæ dignitate arcescit; & interdum
 pœnam leviozem in Nobile videri, licet æqvè gravis sit, quod
 etiam personæ respectus efficit: Impossibile est, ut etiam in his ca-
 sibus non violetur proport. arithmetica; Imò exinde ad oculum
 patet, quod pœnarum irrogatio non possit fieri sine personarum
 respectu. qui si habetur, nullum dubium ampliùs restat, quod
 pœnæ proport. geometr. imponendæ sint; Sicut etiam prætereâ
 id probat casus n.19. ab ipso allatus, ubi virtute præstanti leviozem,
 ei verò, qui nulli virtuti studet, graviore pœnam irrogandam esse
 censet; quod profectò proport. arithm. fieri nunquam potest, sed
 ex ea omnes delinquentes virtuosi & vitiiis dediti, nobiles & igno-
 biles, eâdem statutâ delicti pœnâ sine discrimine afficiendi forent,
 quod tamen Dissidentes nullo modo admittunt. Neque diffi-
 cultatem tollit, quando dicunt, id fieri saltem per accidens, quod
 personæ dignitas hic respiciatur, cum proport. Geom. eam per se
 spectet; Verùm quod per accidens fit, id pœnæ genus mutare
 non potest; Ast ex opinione D. Hornej. sæpè fit, ut nobiles alio
 pœnæ genere puniantur quàm ignobiles; Igitur personarum ra-
 tio non per accidens habetur, sed per se spectatur; Eodem ferè mo-
 do fit in distributione onerum personarum, ubi is, qui ad ne-
 gotia publica peragenda constitutus est, ab istis oneribus liber,

vel certè leviora tantùm ferre tenetur. Quapropter cum omne illud geometricum sit, sicut *D. Hornejus ipse l. 3. Phil. moral. c. 12. n. 11.* definit, quod dignitatem alicujus attendit, quocunqve etiam modo illa observetur, satis manifestum est & luculenter patet, pœnas nullâ aliâ proport. quàm geometr. justè imponi posse.

Ad alterum quæstionis membrum, sc. ad quàm justitiæ speciem pœnæ referri debeant, jam non difficilis est responsio: Si enim pœnæ nullâ aliâ proport. quàm geometr. justè irrogari possunt, sicut hætenus demonstravi; Et hæc proport. geometr. norma est Justitiæ Distributivæ, quod Dissidentes uno ore affirmant; necessariò sequitur, pœnas ad Justitiâ Distributivâ referri debere. Non tollit veritatem hujus assertionis locus *Arist. 5. Eth. c. 7.* quando Justitiâ, quæ in Distributione versatur, communium rerum esse tradit; Non enim id simpliciter & semper verum esse docet incomparabilis *Grotius l. 1. de J. B. & P. c. 1 aph. 9. n. 3.* ubi eleganter ostendit, quod is, qui de rebus suis legare vult, attributrice i. e. Distributiva Justitiâ uti soleat; Civitas verò, quæ de communi reddit, quod unus civium in publicum impendit, officio expletricis i. e. commutativæ Justitiæ id perficiat. Cui accedit, quod ratio adducta adeò perspicua est, ut de autoritate Aristotelis haud sollicitus esse debeam; quare & nihil de convenienti hujus loci interpretatione addo.

QVÆSTIO II.

An prohibitio Matrimonii propter affinitatem

in gradu primo lineæ transverse æqualis inter defunctæ uxoris sororem, sit ex jure morali sive naturæ & perpetuæ?

Rebus quæ factæ s. spirituales vocantur, & sacram in Republica societatem constituunt, summâq; in Republica potestati directivè, vel quod recto judicio etiam admitti potest positivè subjectæ sunt, Doctiores Jure Consulti rectè adnumerant sepulturam & matrimonium: Non quod merè spirituales sint, sicut verbum & Sacramenta, in quibus propriè liturgia vel cultus divinus deprehenditur, dum animam imprimis concernunt in hac

Vita

vita ad æternam præparandam & salvandam; Sed quod partim
 iis accedat liturgia jure Ecclesiastico ut in sepultura, partim quod
 cultus divinus non minus in iis deprehendatur, licet ad corpus
 magis pertineant. *Vid. Excellentiss. Dn. D. Schilterus* *[Cui ingenio*
& doctrinâ clarissimus, Præceptor, Mæcenas & Promotor meus singu-
lari observantiâ colendus; in Eruditiss. Exercit. Theor. Pract. ad π.
Exc. 4. tb. 2. Et de conjugio quidem nemo dubitare potest, si-
 quidem illud ut res credenda sive articulus fidei in principiatio
 Theologiæ consideratur, *vid. D. Brochmand. System. Theol.*
loc. de Conjug. DEUS enim ipse in initio rerum illud insti-
 tuit, primorum conjugum matrimonium copulavit, & locuple-
 tissimâ benedictione dotavit *Gen. 2.* Immò quemadmodum pri-
 mò instituit, ita in cursu rerum eodem modo benignissimâ suâ
 voluntate, potentiâ & sapientiâ illud conservat, quod haud Ma-
 gistratus civilis prudentiæ, legibus politicis, multò minus homi-
 num arbitrio tribui debet; Unde cultus divinus satis apparet,
 add. *Beat. Dn. D. Gerhard. Theologus non minus judicio quàm me-*
moriam promptus, & cujus diligentia ætatem superat Tom. VIII. lo-
cor. Theol. de Conjug. c. 1. sect. 1. §. 48. 50. 52. Interim tamen & Ju-
 ra civilia rectè circa matrimonium occupata sunt, quando quo-
 ad externa solennia, certam formam ex utilitate Reipublicæ præ-
 scribunt, nec non optimis sanctionibus provident subditosq; ex-
 ternâ vi adstringunt, ne aliquid in his conjunctionibus contra
 infinitas menti notitias, quæ tò honestum dicunt, committant
 atque pudorem naturalem violent *Ladovivus. 14. §. 2. l. semper. 42.*
π. de R. N. Sicut & leges morales, quæ in Codice sacro instinctu
 Spiritus Sancti sunt traditæ & consignatæ, *ἡρώδης ἀναισθητοῦ*
 præclarè tuentur. Unde haud obscure colligitur, summam
 in Republica potestatem versari etiam circa res sacras s. spiritua-
 les positivè, quatenus rectam veræ fidei formulam & honesto-
 rum morum promulgare & subditos obligare potest, ne ei publi-
 cè contradicant. Varia autem requisita justarum nuptiarum
 in jure civili Romanorum occurrunt, *pr. Inst. de nupt.* Quæ ta-
 men non ex uno eodemq; jure descendunt, sed diverso, quapro-
 pter probè distingui & separari debent. Quædam enim Jus ci-
 vile ex communi Reipublicæ Romanæ utilitate introduxit atque

constituit sc. ut contrahentes essent cives Romani, quoniam Romanis cum Latinis, peregrinis, deportatis, & servis matrimonium non erat *l. cum ancillis. 3. C. de incest. Nupt. Ulp. Fragm. Tit. 5.* Deinde ut essent puberes, quæ pubertatis determinatio in Masculis tardius 14. sc. Fœminis citius 12. ætatis anno terminabatur. *pr. Inst. quib. mod. tut. fin. & Dd. in pr. Inst. de Nupt.* Quæ tamen apud alios populos partim servata, partim aliis legibus vel contrariâ consuetudine abrogata sunt, sicut de priori videri potest *totus tit. x. de conjugio servorum*; & sicut hodiè talis servitus non datur, ita propter conditionem personæ vel statum nullus prohibetur matrimonium contrahere: De altero confer. *Plato l. 4. & 6. de legib. Aristot. 7. polit. 16. c. puberes. 3. de despons. impub.* imò rarissimè masculos eâ ætate hodiè jungi experientia testis est: Quibus ex hodierna consuetudine addi potest trina ex cathedra publica proclamatio. Quædam verò ex Jure naturæ & divino originem habent, quæ, sicuti in prima statim institutione matrimonio addita & statuta sunt, ipsiusque essentiam constituunt, ita nullis gentium legibus vel moribus mutari possunt; qualia sunt liber & certus contrahentium consensus; qui tamen tum demum justus omnibusque numeris plenus ac perfectus est, quando parentes in consilium vocantur, eorumque consensus adhibetur; Deinde sacerdotalis benedictio & ne fiat conjunctio in gradibus jure morali sc. naturæ prohibitis; Quæ prohibitiones aded perpetuæ & æternæ sunt, ut nullo jure humano vel gentium moribus mutari queant. In universum autem duæ causæ sunt, ex quibus prohibitiones descendunt, consanguinitas & affinitas: In utraque verò diversi ordines spectandi sunt, sicut & jura divina moralia, civilia & canonica hic distingvi & separari debent. Et quidem in consanguinitate de ascendentibus & descendentibus res certa & omni jure definita est; Ipsos propter sanguinis conjunctionem & hinc inde nascentem moralem turpitudinem, nec non turbandum naturæ ordinem & matrimonii legem, in infinitum jungi non posse *lev. 18. v. 7. l. nuptia consistere 53. l. fin. c. de R. N. l. nemini 17. C. eod. §. 1. Inst. eod. c. in copulatione fidelium. XXXV. q. 2. & 3. addatur Grotius l. 2. de J. B. & P. c. 5. apb. 12. n. 2. Leonb. Lessius de J. & J. l. 4. c. 3. dub. 10. n. 78.*

Quod

Quod jura civilia, etiam in cognatione merè civili observare voluerunt, *l. quin etiam 55. w. eod. d. §. 1. Inst. eod.* ob pudorem naturalem, & honestatem quæ in Nuptiis observanda est, *l. semper 42. l. adoptivus 14. §. 2. w. eod.* De iis qui ex transverso ordine junguntur non eadem omnium jurium est observatio s. prohibitio; sed valdè discrepant. Et quidem de inæquali collateralium ordine jura divina sive moralia & civilia idem statuunt, scilicet quod ii qui parentum liberorumve loco sunt nunquam licitè jungi possint *lev. 18. v. 12. 13. 14. & c. l. per adoptionem 17. §. 2. l. Sororis 39. w. de R. N. d. l. 17. C. eod.* quod usque ad infinitum obtinere debet, ut tradit *Jctus Cajus in l. Nuptia 53. w. eod.* Cum quo etiam consentire viderur, *Celestinus III. in c. quod dilecto 3. x. de Consangu. & affin.* Sed contrarium asserit *Bellarmin. in lib. de matrim. c. 24. & 27. arg. 3. Cornel. à Lapide & Cajetanus in d. c. lev. 18.* Quoad lineam æqualem etiam Jus Civile cum divino morali convenit, dum matrimonium in primo tantum gradu nimirum inter fratres & sorores prohibet, *lev. 18. v. 9. d. l. 17. C. de Nupt. l. ult. C. de incest. & inut. nupt. arg. §. 4. Inst. de Nupt.* Sed Jus Pontificium hic longius processit, quando usque ad quartum gradum secundum computat canon. inclusivè nuptias prohibuit *c. non debet 8. x. de Consangu. & affin. confer. Concil. Lateran. c. 30. qvo capitulo simul antiqua Pontificum decreta abrogata sunt, quæ usque ad septimum gradum vetabant nuptias, ut constat ex c. progeniem cum seq. & c. nulli cum seq. XXXV. qv. 2. & 3.* Quas prohibitiones tamen ut vitiosas damnant Theologi nostræ Ecclesiæ, sicut id docet *B. Dn. D. Lutherus Tom. II. Jenens. germ. f. 164. seqq. Edit. 1573. & multis rationibus probat B. Dn. Gerbard. de Conjug. §. 337. seqq.* Imò ad pecunias conquirendas has prohibitiones inventas esse scribit, *Marc. Ant. de Dominis in optimo lib. de Republ. Eccles. l. 3. c. 11. n. 78.* De quo tamen jam non prolixè disputabo.

Quod Affinitatem attinet, universa illius prohibitio ex una regula cognosci potest, quæ communi Theologorum & Jctorum consensu probata & recepta est, scilicet quod gradus prohibiti ratione sanguinis, etiam prohibiti sint ratione affinitatis; quam regulam de Jure divino, Civili, Canonico & Municipali veram esse tradit, *Jctus Carpz. ejus diligentia & merita in Republ. licera.*

literariam non satis predicari possunt; Jurispr. Eccles. Def. 88. n. 13. cum quo confer. Schneidw. ad Tit. de Nupt. rubr. de arb. Affin. n. 10. seqq. Dd. in c. de propinquis 3. XXXV. qu. 2. & 3. Ex Theologis vid. Gerhard. d. l. de Conjug. §. 336. Menigerus de Conjug. sub rubr. de probib. grad. in affinitate p. 76. & 77. Quod etiam concedit Georg. Calixt. leg. Mosaic. f. 3. Et quidem de gradibus Jure Divino sive morali in consanguinitate prohibitis, vix ulli dubium esse potest, quin illi etiam prohibiti sint in affinitate, sicut id constat partim ex d. c. lev. 18. partim quoniam Vir & uxor in matrimonio juncti una caro fiunt Gen. 2. & propterea uterque alterius consanguineos sibi arctissimo vinculo copulat, & conjunctos reddit. Affinitas enim dicitur, quasi finium unitas eo quod diversæ personæ per nuptias conjunguntur c. primo gradu. XXXV. qu. 5. sub rubr. declarat. Affin. & alter ad alterius cognationis fines accedit, non facile 4. §. 3. w. de grad. & affin. Cum itaque in primo gradu lineæ æqualis collateralis inter fratrem & sororem nuptiæ Jure divino morali sint prohibiti. Lev. 18. v. 9. quæritur an prohibitio matrimonii cum Defunctæ uxoris sorore etiam sit moralis & juris naturæ sive perpetua? Ad Cujus quæstionis veritatem indagandam tria hic præsupponenda sunt, sine quorum cognitione ipsa quæstio haud accuratè resolvì potest.

Primum est quod in sæpius dicto cap. 18. lev. non prohibiti intelligi debeant duntaxat personæ sed gradus. Hanc autem Dei voluntatem fuisse, patet ex adæqvata & generali ratione omnibus his prohibitionibus præmissa Lev. 18. v. 6. *Nemo ad proximam carnis suæ accedat*; quæ ad omnes conjunctiones pertinet in quibus moralis turpitudine deprehenditur, quarum aliquot tantum in d. cap. recensentur. S itaque non omnes personæ sanguine junctæ, in subjectis prohibitionibus specialibus expressæ fuerint, tunc simile judicium ex præmissa ratione generali & voluntate divina ferendum est, sicut id præclare jam dudum observarunt Patres Ambros. Epist. 66. ad Paternum Tom. III. oper. Col. 137. August. in quæst. supr. levit. qu. 59. Tom. IV. col. 221. & qu. 76. ejusd. Tom. 225. Lyran. in c. 18. lev. cum quibus consentiunt Rabbini Veteres ut testatur Mysterus in d. c. 18. & Fagius ibid. quos etiam

etiam sequuti sunt nonnulli ex Pontificiis ut *Tostatus & alii*. Deinde id patet ex paritate rationis quæ postulat ut de similibus conjunctionibus similiter statuatur; Et hæc sine dubio causa fuit, quod Moses, sanctus ille divinarum legum promulgator, non omnes personas prohibitas ibidem nominaverit, siquidem rectam hominis rationem de similibus eandem sententiam laturam fore credidit: cum igitur expressè vetat Deus amitæ & materteræ nuptias *Lev. 18 v. 12. & 13.* etiam omninò prohibere intelliguntur amitæ magnæ & materteræ magnæ aliorumq; ascendentium. Tercio id probatur ab absurdo, quod argumentum solùm ad hanc quæstionem probandam sufficere posset: Si enim istæ prohibitiones ad personas duntaxat nominatas pertinerent, sequeretur quod inter nepotem & aviam, avum & proneptem, filiam sororis & avunculum, aliosque ex ea descendentes & patrum & avunculum, nuptiæ in consanguinitate jure divino consistere possent; Sicut & in Affinitate inter privignum & pronovercam ex hoc jure nulla foret prohibitio, quoniam omnium harum personarum nulla fit mentio *in dict. capite*. Quod quam absurdum sit & à veritate alienum recta ratio ostendit, & communis moratorum gentium consensus probat, quibus istæ conjunctiones scelestæ & incestæ audiunt, exempl. est in *l. ult. C. de incest. & inut. nupt.* neque Dissidentibus has conjunctiones unquam admittent. Denique non exiguum robur huic sententiæ accedit ex communi Patrum, Theologorum Ecclesiæ Orthodoxæ & Jctorum opinione, qui id uno ore constanter affirmant, *Vid. Patres supra citati & ex Theologis Chytræus in d. c. 18. Chemnitz. part. 3. locor. de conjug. p. 549. Brochmand. in System. de conjug. c. 2. sect. 8. Brentius in d. c. 18. lev. fol. 843. Gerbard. Tom. VII. Loc. Theol. de Conjug. §. 275. seq. Osiand. in lev. c. 18. Selneccerus part. 4. Exam. p. 443. Bidenbach. de causis matrimon. p. 44. Haveman. in Gamol. Synopt. lib. 2. tit. 5. pos. 6. n. 4. Beat. Dn. D. Lutherus primo quidem in ea opinione fuit quod in dicto cap. saltem prohiberentur personæ, sicut videre est *Tom. II. Jenens. germ. fol. m. 165. edit. 1573.* Sed postea ex rationis similitudine rectiùs edoctus sententiam mutavit & statuit gradus in dicto cap. prohiberi; sicut probant *litteræ, ad Spalatinum anno 1530, tertio mart. data*, in quibus secundum gradum linearum*

inæqualis jure morali prohibitum esse docet; Et præterea confirmat *Responsum Confessoris Witteberg.* quod tempore Lutheri datum esse gravissimi Viri statuunt; quo ipso matrimonium cum defunctæ uxoris sorore contractum; iterum rescinditur, sicut illud legi potest in *Colloq. mensal. Luther. tit. 43. de matrim. Ex Jo. Schneidw. ad tit. Inst. de Nupt. Carpz. in Jur. Eccles. Defin. 76. n. 3. Joach. à Beust. de Sponsal. & matrim. part. 2. cap. 51. Colleg. Argentor. vol. 2. ad Tit. de R. N. §. 13. Vinn. ad §. 3. Inst. de Nupt. Magnif. Dn. D. Ziegler. in Not. ad Instit. Jur. Canon. Tit. de triplici cognat. §. constitutum igitur 10. Molrad. de matrim. fol. 76. Kitzel. Synops. Matrim. c. 3. Theor. 7. 8. Grotius acutissimus juris naturæ interpret gradus in linea ascend. & descend. in dict. cap. prohiberi statuit l. 2. de J. B. & P. c. 5. apb. 13. n. 4. Verùm in transverso ordine id negat ibid apb. 14. Sed rationem diversitatis nullam video: Quando Moles enim quasdam personas specialiter prohibuit hoc factum est, ob majorem evidentiam legum & ut simul per hoc contraria exempla Parrum elideret; Sic legem ne patris reveletur nuditas, opposuit facto Filiarum Loru *Gen. 19.* Ne quis ad nuditatem novercæ accedat Rubenis cum Bilha incestum committentibus *Gen. 35. &c. vid. Gamol. Synops. Haveman. d. 1.* Alterum est utrùm prohibitiones in d. cap. 18. sint tantum juris positivi ad Judaicam duntaxat Rempubl. pertinentes, an verò morales sive juris naturæ & perpetuæ? Et perpetuas eas esse omnesque omninò homines obligare; probò ex generali obligatione, dum gentes ex solis rectæ rationis dictatis etiam obligantur, ita ut moralem rursus pudorem his conjunctionibus inesse ex naturæ lumine cognoscerent, quare propter illorum præceptorum transgressionem etiam tam graviter puniæ fuerunt; ut patet ex scriptis d. c. 18. v. 2. 3. 4. 24. *Ne polluite Vos ulla hærentium rerum quia omnibz istis polluti sunt populi quos Vobis advenientibus dispello add. v. 25. 26. 27. /c9 & c. 20. lev. v. 22. 23.* Si itaque Deus illas gentes quibus leges positivas judaico populo dadas non promulgaverat, extremo exterminii supplicio punivit, propter violationem horum interdictorum, oportet*

portet ut aliâ quam positivâ DEI lege, ad observationem harum prohibitionum fuerint obligatæ. Nam leges positivæ Judæos ut sapientum interjectum ab aliis nationibus disparabant, sicut loquitur *Grotius d. apb. 13. n. 2.* unde nulla harum apud extraneos potuit esse obligatio. At lex illa nulla alia esse potest, quam lex naturæ, quæ omnium hominum mentibus inscripta est; Itaque oportet prohibitiones in *d. c.* esse ex jure Naturæ & perpetuas. Hoc etiam non obscurè probat *Grotius d. l. 2. de J. B. & P. c. 5. apb. 13. n. 1.* ubi quidem concedit hæc interdicta non venire à mero jure naturæ, sed nihilominus præcepto divinæ voluntatis ivisse in vetitum; Cum autem illud præceptum ad leges morales sine dubio pertineat, parum aut nihil distabit à Jure naturali. Confer. *Magnif. Dn. Joh. Strauch. JCtus Consummatus Dissert. Justin. 2. lb. 11.* Deinde id patet ex harum legum in Nov. Testam. repetitione *Matth. 14. v. 4. Marc. 6. 18.* Ubi Joh. Baptista damnat conjugium cum fratria & justâ indignatione commotus ita Regem Herodem alloquitur;

Non licet Tibi habere uxorem fratris Tui.

Cui accedit, quod Apostolus *Paulus* matrimonium privigni cum Noverca, tam severè detestatur, ex nulla alia ratione, quam quòd talis congressus s. commixtio impura & injusta habeatur gentium moribus; Nulla enim de ista conjunctione peculiare Christi extat præceptum, illud verò præter alias Charondæ leges testantur. Quò & referri debet, quod *Cicero in Omt. pro A. Cluentio* narrat, & ut Inauditum apud gentes refert, quod Socrus genero nupsisset; quare scribit: O mulieris scelus incredibile, & præter hanc unam in omni vita inauditum! Plura gentium has conjunctiones detestantium exempla vid. ap. *Gerhard. d. l. de conjug. §. 302. Grotium d. l. apb. 13. n. 2. Robert. Scharockium in Judic. s. legum censuris p. 167. seqq.* qui testimonia aliquot Synodorum istiusmodi conjunctiones prohibentium allegat. Tertio id ostendi potest ex universali promissione facta *Lev. 18. v. 5. & 26.* quæ promissiones non ad forenses leges s. ceremoniales, sed morales pertinent, ut ipse Christus testatur *Matth. 19. 12. Luc. 10. 28. & Paulus docet ad Roman. 10. 5. ad Gal. 3. 22.* Quæ quoniam manifesta sunt, non adducam ulterius harum legum cum moralibus conjunctionem, neque

poenas capitales, quæ in earum transgressores statuta sunt *Lev. 20. v. 11, 12, 14. seqq.* similiter tacebo harum legum à Prophetis factam explicationem & gravissimam propter transgressionem, comminationem *Ezech. 22. v. 10, 11. Amos 2. v. 7.* quæ omnia ad leges morales divinas propriè pertinent, ut docent Theol. nostræ Ecclesiæ *vid. Gerbard. d. 1.* Ex allatis enim rationibus satis constat, has prohibitiones esse morales & perpetuas; Quod etiam restantur Theologi omnes paulò antè citati, & sequuntur JCrì, quibus religio pietati est. *Vid. præter JCròs supra adductos Magnif. Dn Strauch. Dissert. Justin. 2. lib. 11.* Tertium igitur, quod hic præsupponi & notari debet restat scilicet, utrum per affinitatem talis contrahatur necessitas & naturalis verecundia, quæ jure naturæ vel morali nuptias impedire potest? Quod nemo negare audebit, quando apud animum prudenter expendet primam conjugii institutionem & in eà effatum divinum *Gen. 2. v. 24. Matth. 19. v. 5.* quod pronunciat maritum & uxorem in matrimonio unam carnem fieri. Si itaque hi duo in arctissima hac conjunctione una caro sunt, quod contra Dei verbum negari non potest; necesse est, ut statuamus proximè sanguine conjunctos mariti, fieri eodem modo etiam sanguine conjunctos uxoris & vice versa, consanguineos uxoris fieri eodem gradu consanguineos mariti. Etenim omnis consanguinitas vel cognatio propriè dicta ex sanguinis proximitate oritur; ex qua deinde naturalis verecundia nascitur, quæ non sinit personas proximè se attingentes & arctè coherentes iterum miscere, dum naturalis harum conjunctionum fuga inde descendit, prout ex *Mose Maimonide* præclare allegat *Grotius Vir non minus memoriâ quàm judicio excellentissimus d. 1. 2. c. 5. apb. 13. n. 3.* Quæ quoniam sanguinis proximitas inter has personas, quæ in matrimonio una caro factæ sunt & earum consanguineos etiam deprehenditur, oportet eas ob naturalem pudorem & nascentem inde turpitudinem conjungi jure naturæ non posse. Consentit *Grotius*, quoad affines recti ordinis *d. 1 apb. 13. n. 1.* Sed in affinitate, quæ à latere contrahitur, id negat *eod. apb. n. 2.* Verum enim verò, quando *Vir summus d. apb. 13 n. 5* perspicuè probat, & ex populorum consensu moribusq; demonstrat, prohibitionem inter fratres & sorores, postquam genus humanum satis mul-

multiplicatum est, esse perpetuam & hominibus communem; adeo ut irritum fiat, si quid factum sit adversus hanc legem ob vitium permansens; Haud video, quâ ratione negari possit; prohibitionem in affinitate inter personas ex transverso ordine primo gradu conjunctas, non esse moralem & perpetuam, siquidem eodem gradu à se invicem distant, quo in consanguinitate & hinc eadem est sanguinis proximitas. Verè igitur concludi potest: Si nuptiæ inter fratrem & sororem ob moralem turpitudinem jure naturæ sunt prohibiti in consanguinitate; oportet eas eodem gradu ob eandem causam etiam prohibitas esse in affinitate; Connexio hæc perspicua est, eadem enim est utrobique sanguinis proximitas; quando enim maritus & uxor in matrimonio una caro sunt; tunc soror uxoris fit etiam soror mariti, & frater mariti fit etiam frater uxoris, unde eadem est distantia in affinitate quæ in consanguinitate; Sed illud rectè probavit & asseruit *Grotius d. l. aph. 13. n. 5, 6, 7.* Itaque hoc negare non potest. Major propositio ulterius illustrari potest ex eo, quod affinitas moralem turpitudinem inter consanguineos recti gradus operetur, farente ipso *Grotio d. l. aph. 14. n. 1.* Quidni ergo & hanc necessitatem operabitur inter personas proxime coherentes in linea transversa; & quas jus divinum & naturæ jungi prohibet; Eadem enim hic est causa efficiens matrimonium l. viri & mulieris conjunctio, eadem impulsiva scilicet veterundia naturalis, Idem etiam principium divina nimirum in consanguinitate prohibitio. Deinde probari potest, jure morali prohiberi nuptias in affinitate lineæ transversæ, ex dicto *cap. 18. v. 14, 16, 18. cap. 20. v. 20.* ubi istiusmodi prohibitiones clarè extant; quas prohibitiones de gradibus affinitatis omnes morales & perpetuas esse asserit *Grotius d. aph. 13. n. 1.* & pluribus suprà probavi. Itaque negari non potest, nuptias propter affinitatem etiam jure naturæ vel morali in linea transversa prohibitas esse. Idem non obscure asserunt Theologi & Juris Consulti suprà citati.

His ut principiis præsuppositis & rectè explicatis ad quæstionem respondeo, omnes prohibitiones in affinitate in gradu primo lineæ transversæ æqualis, æquæ esse ex jure Naturæ & perpetuas, ut in consanguinitate: Et quidem quod interdictum de fratria per-

timeat ad jus divinum morale, ex suprà adductis Novi Testamen-
ti locis satis patet; sola itaque species proposita restat probanda,
an eodem jure etiam sit prohibitum defunctæ uxoris sororem
ducere? Quod contra negantes probari potest 1. Ex eadem ratio-
nis similitudine, quæ est inter fratrem & defuncti fratris uxorem,
nec non maritum & defunctæ uxoris sororem: In utraque enim
specie eadem est sanguinis conjunctio, idem etiam vinculum affi-
nitas; quippe per quam frater fratris sui uxoris frater, & maritus
uxoris suæ sororis frater redditur. Si itaque jure naturæ nuptiæ
inter fratrem & sororem sunt prohibitæ, quod constat ex *Lev. 18.*
v. 9. Lev. 20. v. 17. add. Deut. 27. v. 22. confer. Gerhard. d. l. de Con-
jug. §. 262. Gratius d. l. apb. 13. n. 1, 5, 6, 7. nec non eodem etiam
jure matrimonium cum fratria interdictum est, quod præter ad-
ductam conjunctionis rationem, patet ex d. c. 18. v. 16. & illius le-
gis in N. Testam. repetitione atque promulgatione Matth. 14. v. 4.
Marc. 6. v. 18. Oportet eodem jure etiam interdictum esse matri-
monium cum defunctæ uxoris sorore; Si quidem in utroque ca-
su par ratio est. Sed de illis prohibitionibus, ex subjectis locis &
rationibus jus illud certum est. Itaque & hanc ejusdem juris esse
negari haud potest. Indigna enim est diversitatis ratio, quæ à non-
nullis assertur, quam ut ab Eruditis allegetur, petita à seminis con-
fusione: Nam si hæc ratio in his prohibitionibus vera & æqua-
ta esset causa, sequeretur, quod maritus mortuæ conjugæ, illius ma-
trem vel aviam ducere posset, dum in his hæc ratio cessat. Sed quis
non videt, quàm absurdè id dicatur, cui addi potest, quod confu-
sio sanguinis difficulter post mortem mariti & non, nisi inter ali-
quot menses proximè sequentes fieri potest. Quapropter in pro-
hibitione fratriæ causa non à seminis confusione sed sanguinis
proximitate petenda est. Deinde in hac prohibitione non minus
illa moralis turpitudine, propter quam jure morali quædam conju-
gia prohibentur, deprehenditur, quam aliis conjunctionibus isto
jure prohibitis; sicut id DEUS in simili prohibitionis genere per
Mosen, clarè testatur, quando Lev. 20. 12. dixit, qui fratris sui uxo-
rem ducit, rem foedam & nefariam operatur. Nam quemadmo-
dum inter fratres & sorores, quos natura per eundem sanguinem
& generationis principia arctissimè copulavit, naturalis est vere-
cundia,

cundia, quæ severè detestatur & fugit harum personarum conjunctionem; Ita inter maritum & defunctæ uxoris sororem quæ personæ per affinitatem soror & frater factæ sunt, idem naturalis pudor nascitur quæ prohibet ipsas conjungi, contra quem si quid committitur moralis turpitudine sequitur; unde ita concludo: In Quæ conjunctione moralis turpitudine deprehenditur illius prohibitio est moralis & perpetua; Atqui in Conjunctione mariti & defunctæ uxoris sorore moralis turpitudine deprehenditur; Ergo illius prohibitio est moralis & perpetua; & si quid contra eam committitur irritum est ob vitium permanens. Tercio id ostendi potest ex generalisatione *Lev. 18. v. 6.* præmissa, quæ generaliter prohibetur *ne quis ad proximam sanguinis sui accedat*: Jam vero soror uxoris defunctæ per affinitatem proxima sanguinis mariti facta est, ut sæpius ostendi: Ergo ista prohibitio non potest non ad dictas personas etiam pertinere. Quarto id confirmatur ex interdictione divino *Lev. 18. v. 18.* cujus præter vulgatam, variæ versiones latinæ præstant præcipuis propter verba adjecta *vivente uxore Tua*, ut Junii & Tremellii, Xantii Pagnini, Piscatoris, Myrsteri quas in compend. vid. apud Havemann. in *Ganol. Synopt. l. 2. tit. 5. reg. 8. p. m. 402.* Sed quoniam totum illud caput prohibitive conceptum est, & in eo mera continentur prohibitiones, nulla verò permissio habetur, rectè & hoc interdictum ut universale prohibitivum cum Theologis Orthodoxæ Ecclesiæ interpretetur; quo generaliter prohibetur, ne maritus uxoris sive defunctæ sive vivæ sororem in matrimonium ducat; Ex ratione generali & ad hæc verba *v. 6. præmissa, quoniam proxima sanguinis sui est.* Quod verò verba ista adjecta fuerint *dum adhuc in vivis est uxor*, id propterea factum fuisse docent interpretes sacrarum literarum, ut perversitatis ac malitiæ Judæorum occurreretur, qui ob leves causas divortium faciebant; ne sepudiatâ uxore illius sororem ducerent; Deinde etiam hæc verba opposita fuerunt exemplo Patriarchæ Jacobis plane singulari, quæ dolose deceptus à Laban duas sorores in matrimonio retinuit, quem errorem tamen Deus ipsi postea propter

pter fidem in promisso Mesſia condonavit *vid. Gerbard. d. l. §. 311.*
Quod optime expreſſit *B. Lutherus* quando in *Commentar. c. 29.*
Gen. f. 409. ſcribit: *Si fueris per omnia ſimilis Jacobo,*
ſi talis caſus, ſi talis occaſio & neceſſitas inciderit,
tunc & tibi licebit, quod illi licuit; ſi non ſtandū
tibi erit legi & moribus communibus. Tandem cau-
ſa eſſe potuit ſpecialis in hac leg. diſpenſatio de qua *Deut. 25. 5.*
qua certo caſu ad certum tempus Iſraelitis conceſſa erat, de qua
mox plura. Haud rectè itaq; & convenienter Diſſentientes hæc
verba, *neben Ihr / Ihr zu wieder / weil ſie noch lebet /* ad
contrarium ſenſum inferendum mortuā uxore allegant. Si qui-
dem hæc argumentandi ratio non procedit in diſpoſitione nega-
tivè concepta *l. 4. C. de peric. tut. & curat. collata cum l. 13. mandati,*
quia verba negativa ſemper negant & nunquam affirmant. *vid.*
Aug Barboſi in loc. argum. b. c. n. 25. ſicut neque procedit in jure
ſingulari veluti privilegio *Gl. in cap. licet n. de privileg. in 6to. add.*
Everhard. in topic. legal. loc. 4. Imprimis verò quando eo modo
inducitur correctio juris communis *c. ſignificasti 18. x. de foro com-*
pet. Barboſ. d. l. n. 29. Sicut id hoc modo eleganter explicavit
JCrus hac ætate ſummus *Dn. D. Taber* cujus memoria & judicium
de principatu invicem contendere videntur, in *Armament. Juſt. in p. 333.*
Quum itaque eodem gradu in affinitate generalis prohibitio extat
Lev. 18. v. 16. & totum hoc interdictum negativè eſt conceptum,
hæc verba non aliter quam unam ſpeciem ob dictas cauſas ma-
gis exaggerantia accipi poſſunt, ne inducatur correctio juris com-
munis *v. 6.* traditi. Hic in tranſcurſu notari poteſt quod non
planè inconveniens videatur eorum opinio, qui per ſororem hic
quamcunque aliam ſceminam intelligunt & exiſtimant per hanc
additam clauſulam omnem polygamiam ſimultaneam prohibi-
tam fuiſſe, inter quos eſt *Junius Vir in Philologia linguarum Orien-*
talium eruditisſimus in Schol. Lev. 18. & Beza in lb. de divortiiis
p. 49. Quod addita ratio *ad anguſtandum, laceſſendum,*
aſſigendum eam, non parum juvat; perpetuæ quippe lites
odia

odia atque dissidia ex hac polygamia orta sunt sicut exempla Rachelis & Leæ, Jacobi *Gen. 30. v. 1.* Pheninnæ & Hannæ, Helcanæ uxoris *1. Sam. 1. 6.* & reliqua omnia testantur. Quinto id patet ex eo quoniam remotior gradus ejusdem lineæ jure morali prohibetur defunctæ scilicet, uxoris sororis filia; quæ prohibitio et si expressis verbis non inveniatur, ex eadem tamen & simili rationis paritate rectè colligitur, quando *Lev. 20. v. 20.* conjugium cum uxore patris interdicatur. Denique id confirmant Theologi & Juris omnes qui non personas sed gradus in *d. cap.* prohiberi & eas prohibitiones morales esse statuunt *vid. præter Brochmand. d. l. c. 4. q. 43. & Chemnitz. in loc. comm. c. 3. p. m. 225. aliosque supra citatos: Lud. Dunt. in Decis. cas. conscient. p. 964. D. Danbauer. in Theol. cas. conscient. Tom. 1. p. 781. Tarnov. in pecul. tract. de Conjug. Ex Jctis Schneidw. ad Tit. Inst. de Nupt. rubr. de arb. assin. n. 20. Carpz. in Juriſpr. Eccles. l. 2. Tit. 5. defin. 91. n. 2. seqq. Magnif. Dn. D. Tabor. in armament. Justin. d. l. Vinn. ad S. ad finem tit. 6. Inst. de Nupt. n. 5.* Unde satis constat maritum cum defunctæ uxoris sorore nunquam justè conjungi posse, quoniam hæc prohibitio moralis & perpetua est, contra quam quicquid sit irritum est ob peccatum sive vitium permansens: Sicut ad hunc modum etiam aliquoties respondit venerandus **THEOLOGORUM WITTEBERGENSIUM Ordo** quæ responsa videri possunt *Consil. Witteb. part. 4. p. 65. 69. Ordo THEOLOG. JENENS. in Responso quo approbarunt Hildesianorum Theologorum scriptum contra Hoffmannum de quo vid. Gerbard. d. l. de conjug. S. 347. Ita etiam pronunciaverunt Consistorium Witteberg. quæ sententia extat. In Dedekenni Thesaur. Consil. Theol. vol. 3. l. 3. sect. 1. tit. 2. n. 11. pag. 364. Supremum Consistorium Dresde. Anno 1613. die 17. Julii. & in literis ad Serenissimum de hac prohibitionem datis Ann. 1630. die 27. Aug. quæ legi possunt apud Carpz. in Juriſpr. Ecclesiast. l. 2. tit. 5. Defin. 91. n. 19, 20.*

In Contrarium à Dissidentibus multa prolixè disputantur, præcipua paucis excutiam, reliqua ad quæ ex allatis responderi potest, disquisitioni publicæ reservabo. Præcipuum verò est, quando negant in consanguinitate primum gradum transversi ordinis prohibitum esse jure naturæ vel morali; quod exemplis

plis primorum fratrum & sororum, qui matrimonia contraxerunt; Abrahami qui sororem suam duxisse ipse fatetur, *Gen. 20. v. 12.* Othonielis qui fratris filia nupsisse legitur *Jos. 15. 16.* Thamaræ quæ fratri nefandâ cupidine accenso respondit: *alloquere Regem non enim denegabit me tibi.*

2. *Sam. 13.* probare satagunt: Hæc n. exempla ostendunt, hanc prohibitionem non esse ex jure naturæ, siquidem illud nulli mutationi obnoxium est. Sed præter illud vulgatum quod non exemplis sed legibus sit judicandum, respondeo hæc exempla partim esse singularia partim sibi haud similia, ita ut eorum inductione nihil probari in contrarium possit. Nam exemplum filiorum Adami, qui sorores suas duxerunt, singularem concessionem ex mandato divino habuit, quod Deus Adamo et ipsius liberis dederat, nimirum ut crederent & se multiplicarent: Illud autem non aliter, quam per recens institutum matrimonium ordinario naturæ cursu, fieri poterat; quum vero nullas alias puellas quam sorores divina providentia produxerat; necesse erat ut in hæc prohibitionem dispensaret Deus & permitteret ut se jungerent sororibus; *Quod quanto est antiquius compellente necessitate, tanto postea factum est damnabilius religione prohibente* ut loquitur *Aug. l. 15. de Civ. Dei*

c. 16. Itaque hæc leges conjugales, quas cum aliis naturæ legibus Adamo datas esse censent Hebræi, non prius vim suam exerere potuerunt, nisi post multiplicatum jam satis genus humanum, quod initio sine fratrum & sororum nuptiis contingere nequivit *Confer. Grot. d. l. apb. 13. n. 5.* Quando vero objiciunt jus naturæ esse immutabile; Responderi potest cum nonnullis Theologis & JCtis duplex illud esse: unum, quod in se & sua essentia semper justum & æquum est & propterea prorsus immutabile; ex quo illud præceptum de Deo colendo; Alterum quod etiam æquitatem & justitiam in se semper continet, sed solâ DEI voluntate humanæ naturæ implantatam, cujus ductu approbari debet; Quod sicut in solâ Dei voluntate positum, ita etiam ab ipso singulari

gulari ex causa interdum in eo dispensari potuit : Prout simile istiusmodi dispensationis divinæ exemplum occurrit, *Exod. 12, 35.* quando Israelitæ Ægyptiis concessione Dei vasa aurea & argentea auferabant ob certas causas, quo facto tamen à Deo concessio, non sublatum fuit præceptum juris naturæ de furto non faciendo. Eadem potentiâ permisit Jacobo ut duas sorores in matrimonio retineret, quâ permissione tamen non imminutum fuit interdictum juris divini morales *Lev. 18. v. 18.* quando præterea nullus etiam inventus est in populo Judaico, qui hoc exemplum imitaretur *Vid. Dn. D. Danbarr. Catechismus Misch part. 3. concl. 8. p. 246. seqq.* ubi perquam eleganter & judiciosè de hac dispensatione disserit. Quare hoc exemplum propter dispensationem divinam planè singulare fuit, neque per illud juri communi aliquid derogatum est. Illud verò quòd de Abrahamo opponitur; qui se filiam patris sui duxisse fatetur *Gen. 20. v. 12.* diversum est, neque hic commodè opponi potest; Siquidem vel ex sententia Beati *Lutheri in d. cap. 20. Gen. & aliorum Theologorum* non ipsius consanguinea soror fuit Sara sed Haranis privigna in domo patris Abrahami Tharæ educata, postquam Haran mortuus erat; vel quoniam determinato sensu soror effertur, dici potest cum *Augustin.* quod fuerit Tharæ filia i. e. neptis à fratre Abrahami Harane procreata. Et tunc DEUS, dispensavit in isto matrimonio, ne Cananzam ducere teneretur Patriarcha *vid. Magnif. Dn. D. Calov. Theologus vitæ moribus & judicio gravissimus, cujus consummata eruditio & merita in Rempubl. literariam nec non totam Lutheranorum Ecclesiam, majora sunt quam ut dignè predicari possint, in absolutisf. Comment. in Genes. d. c. 20. v. 2. ad verba* **SOROR mea est.**

Exemplum vero Othonielis oppositum hic propriè non pertinet, quandoquidem de alio & remotiori gradu prohibito agit; Sed cum & ille prohibitus legatur in Jure divino morali *lev. 18. v. 12.* dicendum est, Othonielem non fuisse fratrem sed filium fratris Caleb, quod verba hebræa confirmant אֶתְרֵי כָלֵב quæ quoniam sicut alia hebræa nomina propriam casuum variationem non habent, rectè illa hoc modo verterunt *Pagninus & Arias Montanus in d. cap.* Deniq; de exempl. Tha-

marx 2. Sam. 13. vid. potest. Gerbard. d. 1. §. 316. & Vinnius ad §. inter
cas 2. Inst. de Nupt. quod in meris conjecturis consistit; Ipsa n. vel
sciens id cōmenta est ut se præsentsissimo mortis periculo eripe-
ret, vel revera credidit hoc patri Regi licere; sed exindē haud col-
ligi vel concludi debet, Davidem id concessurum fuisse vel rectē
fecisse, si permisisset. Deinde urgent legem lev. 18. v. 16. haud mo-
ralem & perpetuam esse; propterea quod Deut. 25. 5. praeceptum
fuit fratri, ut fratris defuncti uxorem duceret; Sed respondetur
hoc casu speciali lex divina generalis colli non potest; quando-
quidem hic iterum summo legum Conditori placuit in ista gene-
rali lege dispensare, ob conservationem & distinctionem tribuum
& familiarum, quo constare posset ex qua tribu & familia Mes-
sias oriundus esset; unde hoc praeceptum ut planē singulare so-
lo Judaico populo ad certum tempus certo & speciali casu,
quando frater sine liberis decesserat, datum erat; Extra quem ca-
sum specialem nihil contra legem generalem lev. 18. v. 16. agere
licuit; Sicut etiam nullum exemplum in sacris memoriae prodit-
um est, quo ostendi posset, quemquam inter Israelitas vel sanctos
Patres inventum fuisse, qui fratris uxorem vel duas sorores
successivē in matrimonio habuit; undē sanctitas inviolabilitasq;
legis generalis perspicuē probatur. vid. Gerbard. d. 1. §. 316. Cete-
ra quae obijciuntur leviora sunt & ex allatis facile dijudicari
possunt; Interim ex Disent vid. possunt, praezter quosdam Rab-
binos & Pontificios ut Fagium in annot. ad parapr. Chaldaicam
lev. 18. Bellarm. de matrimo. c. 23. arg. 3. Cornel. à lapid. in Com-
ment. lev. 18. p. 704. Daniel Hoffmannus Theol. Helmslad. in Respons.
de hac quaest. siniente superiori seculo edito, quod refutarunt Theolo-
gi Hildesenses; Cui addantur J. G. Rincelenses in Responso pro ma-
trimonio Principis, cum defunctae uxoris sorore contracto, Quibz se
opposuerunt Michael Havemannus in Ducatibus Bremensi & Ver-
densi Superattendens Generalis, cum in Gamol. Synopt. l. 2. tit. 5. p. 410.
tū in peculiari defensione Respons. Moysi contra matrimonium cum
defunctae uxoris sorore contractum ann. 1664. edit. Et D. Aegid.
Strauch hic quondam Professor Histor. celeberrimus in peculiari
scripto de firmitate legis divinae contra Bucholtzerum ann. 1669. edit.
contra quem opinionem suam D. Christoph. Joach. Bucholtzerus
scriptis

scriptis publicis defendere conatus est, sed quam verè & solidè
Lectori Candido dijudicandum relinquo.

QVÆSTIO III.

An Rei vindicatio & Interdicta adipicenda

vel recuperanda possessionis cumulari possint?

Non supervacaneum erit Iliada post Homerum scribere &
hanc quæstionem resolvere; licet id jam clarissimi nec non
acutissimi JCti aliquoties præstiterint, cum quibus neque inge-
nio neque ætate comparandus sum. Enimvero quoniam ob-
scura satis & difficilis adhuc est, videbo an accuratâ resolutione
eam planiorem reddere valeam; quod si efficere potuero, opera
suscepta haud supervacanea vel planè inutilis futura est: Sed
num id assecutus fuero prudens lector judicabit. Planè autem
diversæ sunt actiones in quæstione propositæ, & omnibus causis
multisq; modis differunt. Præterquam enim quod Rei vindi-
catio est actio civilis §. *omnium i. junct. §. sed ista. 3. Inst. de Act.* In-
terdicta vero prætorie, *pr. Inst. de Interd.* alia adhuc differentiâ
circa causam efficitur, occurrit, quando rei vindicatio & actio
realis, ex jure in re vel dominio competens *l. 1. §. 1. de R. V. d. §. 1. Inst. de Act.* Interdicta vero hæc personales, si qui-
dem ex jure ad rem sive obligatione delicti aut contumaciæ de-
scendunt; unde JCtus Ulpian. *in l. 1. §. pen. 4. de Interd. scribit.*

Interdicta licet in rem videantur concepta v;

tamen ipsa personalia sunt. Add. Petr. Frid. Mind de

Interd. c. 7. n. 42. Wesenb. in Parat. cod. tit. n. 7. Habn. in notis ibid.

Collcg. Argent. Vol. 3. de Interd. ib. 50. Cujac. 5. observ. 17. Magnif.

Dn. D. Zieglerus JCtus omni laude major, Præceptor meus omni ho-

noris & obsequii cultu ætatem colendq; in præf. publ. ad Can. Re-

dintegrandæ cap. 4. n. 8. Ratio à JCto Paulo non obscurè indica-

tur in l. 7. de vi & vi arm. nimirum quoniam hæc interdicta non

contra tertium possessorem competunt: Proprium autem actio-

nis personalis est, quod personæ inhæreat & non sequatur fun-

dum h. e. possessorem rei, l. actionum. 25. Pand. de O & A. d. §. 1.

Inst. cod. hinc jus ad rem s. obligatio quæ actionem personalem

producit, debitorem ut lepra leprosum comitari dicitur, sicut

loquuntur *Id. in d. §. vid. Schneidov. ad eund. n. 12. Vinn. ibid. n. 8.*
Deinde circa objectum etiam observari potest differentia, quan-
do rei vindicatio non nisi pro rebus corporalibus competit *l. 1.*
§. 1. π. de R. V. d. §. 1. junct. §. 2. Inst. de A. F. Quædam vero interdicta
adipiscendæ & recuperandæ possessionis dantur etiam pro re-
bus incorporalibus, ut interdictum quorum legatorum *l. 1 § 8. π.*
quor. legat. Interdictum uti possidetis *Gloss. in l. 1. π. & C. ut pos-*
sid. l. fin. π. eod. l. ult. de Servit. & licet. de Probat. Petr. Frid. Mind. de
Interd. c. 1. n. 21, 22 seqq. Wesfub. in Parat. ad tit. de Interd. n. 3. & Hahn,
in not. ibid. Tertio ex Jure veteri civili formâ multum differ-
bant actiones propositæ; Interdicta enim non nisi certis solen-
nibus formulis vel verborum conceptionibus proponi aut per-
agi poterant *pr. Inst. de Interd.* Quæ formulæ in singulis inter-
dictis diversæ erant sicut patet ex omnibus *titulis π. lib. 43.* Et
formulam interdicti unde vi exhibet *Cic. in Orat. pro A. Cæcinn.*
add. Petr. Frid. d. l. c. 17. n. 26 seqq. Ravard. ad l. 15. de R. J. Rei vero
vindicatio nullas solennitates postulabat, sed actor communi
propriâq; formulâ utebatur dicens, rem quam petebat suam esse
& sibi restitui debere arg. *§. 1. Inst. eod. Bach. 2. de Acc. tit. 12.* Pos-
teaquam vero solennes istæ formulæ siue verborum concep-
tiones sublatæ sunt, & interdicta sicut omnia judicia extraordina-
ria esse cæperunt *§. ult. Inst. de Interd. Magnif. Dn. Brunnem. ad l.*
incerti juris 3. C. de Interd. n. 8. Ant. Perez. eod. tit. n. 3. Schneidov. ad
tit. de Interd. n. 27; Unde etiam nullus hodie interdictorum usus
nisi quod is qui de possessione agere vult naturam illius inter-
dicti, quod pro ea sibi competere putat, diligenter cognoscere &
secundum illud petitionem suam conformare debeat *Dn. Brun-*
nem. d. l. n. 9. Nihilominus tamen quo ad formam inter hæc ju-
dicia hodiè adhuc insignis existit differentia dum interdicto hæc,
sicut omnia judicia possessoria, sunt summaria *Anton. Gabriel.*
congl. 5. de restit. spoliat. n. 85. in quibus non observato ordine &
solennitatibus jure positivo præscriptis levato, quod ajunt, velo
absq; strepitu & solenni figura judicii de simplici & plano sum-
mariè proceditur, ita ut non opus sit libello, solennilicis conte-
statione neq; necesse ut omnes exceptiones dilationes appella-
tiones &c. admittantur *c. saepe contingit. 2. in Clem. de V. S. vid.*
Carpz.

Carpz. *¶* Cuius non minus iudicio quam mulierum rerum experientia felix & qui non aetatem duntaxat, sed omnes suo tempore ferè diligentiâ & labore superavit in *Process.* tit. 1. art. 1. n. 16. *Frid. Hiltroph.* *Proc. judic. part. 1. c. 4. n. 48. seqq. Gail. 1. obs. 78. n. 4.* Ita tamen ut substantialia requisita hujus processus quæ naturali ratione nituntur & sine quibus causæ cognitio fieri non potest, accuratè observentur *dict. s. saps. in Clem. de V. S. Dn. Carpzov. ibid. n. 23.* *Mind. de Interd. comm. 2. l. 6.* Cujus Juris ratio est ut controversiæ de possessione celerrimè finiantur, ne in pacata & benè constitutâ Republ. alter alteri vim inferat & lis ad arma deveniat, quod in causis proprietatis vix metui potest *Ingeniosiss. Vinn. ad pr. Inst. de Interd. n. 3.* Qui ex *Gailio* simul allegat 1. *obs. 5.* quod hodiè plurimum suprema tribunalia de causis possessionum soleant cognoscere *add. Anton. Perz. ad Tit. C. de Interd. n. 12.* Sed Rei vindicatio sicut omnia judicia petitoria plerumq; ordinario processu instituitur; In quo solenni iudiciorum ordine plenariè observato & omnibus solennitatib; positivo jure introductis causæ cognitio procedit *Carpzov. d. l. n. 4. Emer. à Rosbach in Process. tit. 28. n. 1.* Quamvis tamen non fugiat, quod etiam in hac sicut aliis causis ordinariis, possit procedi summarie, quoties partibus litigantibus id placuerit & Judici ex iusta causa, circumstantiis & qualitatibus personarum id æquum visum fuerit. Nam hoc est quod *Sereniss. Elector Saxoniz in Ordinat. process. judic. tit. 1. §.* *Defonders aber &c. & s. diemeil sich aber* tam serio urget & præcipit, ut Judices non modo concordiam inter partes litigantes tentent, sed omnibus modis prævideant, ne causa ad ordinarium processum deveniat, sed summarie decidatur. Communiter tamen & plerumq; rei vindicatio ordinario processu instituenda est, quoniam actor dominium rei petite probare tenetur *h. 21 C. de R. V.* quæ probatio sicut difficillima, ita sine processu solennibus vix expediri potest. *c. pastoralis de caus. poss. & propriet. Dd. ibid. & in §. retinenda 4. Inst. de Interd. A.* cedit quod omnis causa in dubio ordinaria est *Gloss. in l. 3. Subidem m. ad exhib. Specul. de libell. concept. §. nunc dicendum 9. n. 2. vers. & breviter. Zanger. de Except. part. 1. c. 1. n. 58.* Quarto, etiam diversus est horum iudiciorum finis: Interdicta enim tantum

ad

Id possessionem rei controversæ celerimè consequendam comparata & introducta sunt, suspensio interim proprietatis jure; *pr. Inst. de Interd. Dd. in l. naturaliter 12. §. 1. π. de acquir. vel amitt. poss. Marant. in spec. aur. part. 4. dist. 7. n. 2.* Quo possessionis commo impetrato, onus probandi dominii in reum rejicitur, isq; actor postea in petitorio constituitur, *h. i. qui destinavit 24. π. de R. V. l. circa 14. π. de Probat. l. libertis 7 §. ult. π. de liberal. caus. l. ob maritorum. 2. C. ne uxor pro maris. l. via ejus. 15. C. de Probat. Joseph Mascard. de Probat. concl. 1194. Decian. Vol. 2. conf. 53. n. 1. Vusq. l. 2. Illustr. contr. c. 86. n. 5. Jac. Guitierr. pract. quest. l. 3. qv. 19. n. 2. Jac. Menoch. l. 6. de Prasumpt. prasumpt. 69. n. 1. segg. Remed. adipisc. posses. 4. n. 794. & de arbit. Judic. quest. l. 2. c. 48. n. 12.* Hinc JCeus Cajus in d. l. 24. π. de R. V. elegans & salubre consilium suppeditat, ut quis probè animadvertere debeat, an aliquo interdicto vel judicio extraordinario possessionem rei nancisci possit quam deo sinavit petere. Hæc etiam sunt illa possessionis commoda quæ aded uno ore prædicant *Dd. Jason beatos dicit possidentes in l. si dotem 21. §. ult. π. solut. matrim. n. 4. & in l. naturaliter 12. §. nihil commune π. de acquir. poss. add. Parlad. l. 1. rer. quotid. c. 9. n. 2.* Imò inde est, quod Actor in petitorio dominium non probare potest reus in possessione manet & rem retinet *l. 2. C. de probat. l. 4. C. de edend. l. ult. C. de R. V.* Quamvis actoris intentio vera sit, tum enim illud obtinet quod JCeus excelsi ingenii Papinianus in l. duo sunt 30. π. de test. tur. definit *non jus sed probatio de-*

ficit. Reliqua & plura possessionis commoda prolixè congescit *Andr. Clud. rer. quotid. c. 1.* Sed Rei vindicationis finis est ut actor plenam proprietatem rei petita consequatur *l. officium γ. π. de R. V.* quod autem fieri non potest, nisi probato prius dominio *l. 21. C. de R. V. d. l. 9. π. eod.* Hinc Actor in conclusione libelli non dominium sibi testitui, sed rei controversæ se dominum declarari petere debet; Vindicare enim idem est ac asserere & qui rem vindicat, asserit se dominum esse, nec non vindicando dominium rem suam, non vero dominium, petere sicut aliquando hunc terminum *Magnif. Dn. Job. Sirauchius Jureconsultus consummatius & præterea in omni antiquitate versatissimus Præcep-*

cor meus omni bonoria & obsequii cultu etatem devenerandus ex-
 plicabat in preel. privat. ad Tit. Inst. de Act. §. i. quando vero in l.
 ex diverso 35. §. i. π. de R. V. & alibi actor dominus declarari di-
 citur, figurata est locutio meronymia effecti sc. pro causa. Prout
 itaque res à possessione rei ita petitorium à possessorio differt
 l. si duo 3. in fin. π. uti possid. Illud enim rem ipsam ejusq; domi-
 nium hoc illius rei possessionem respicit Bald. in l. ordinarii 13.
 de R. V. Salycet. in l. verius 21 π. de Probat. n. 3. vers. quid ergo; unde
 in illo probatio difficilior, in hoc longè facilior Schneidvv. ad pr.
 Inst. de Interd. n. 10. Quinto quoad effectum etiam multum di-
 stant actiones propositæ; siquidem in interdictis probatâ anti-
 qviori possessione & violentâ dejectione, actori statim possessio
 adjudicari & restitui debet; ita tamen ut omnis proprietatis
 causa integra servetur l. unic. C. si de moment. poss. fuer. app. add.
 Caf. Concord. ad. d. l. quare etiam ab hac sententia non admittitur
 appellatio, ut constituerunt Imp. Valent. Theod. & Arcad. in d. l.
 unic. verba illius constitutionis hæc sunt: *Cum de possessione
 & ejus momento causa dicitur, et si appellatio
 interposita fuerit, tamen lata sententia sortitur
 effectum.* add. Andr. Raucbb. part. 2. qv. 6. Rol. à Valle vol. 2.
 cons. 77 n. 7. Jacob. Menoch. de rein. poss. remed. ult. n. 48. In Rei
 vero vindicatione sive petitorio, non solum rem probato domi-
 nio cum omni causa & fructu restituere tenetur reus d. l. 9. l. non
 solum 13. π. de R. V. sed & actor rei petitæ dominus declaratur d.
 l. 35. §. i. π. eod. qvo ipso plenum dominium vel proprietatem
 consequitur. Tum etiam provocandi potestas ab hac sententia
 sicut aliis causis ordinariis permittitur l. placet 3. C. de pedan judic.
 Nov. 82 c. 13. vers. si enim sub appellatione. Besold. de Appellat. c. 7. Si
 nimirum una pars litigantium se gravatam & non satis auditam
 esse conqueratur l. i. pr. l. imperator 25. π. de Appell. l. 6. §. 4. l. 20. l. 30.
 C. eod. Rosa decis. 16. n. 3. de dol. & centum. Ratio est in d. l. 25. π. eod.
 & c. 11. x de appell. Deniq; libelli hodiè harum actionum eo-
 rumq; conclusiones, s. petitiones diversæ sunt; In libello enim
 pro possessorio actor petit ut qvoniam reg injustè possidet, ipsi

possessio statim adjudicetur & ipse possessor constitutur, quod ut eo facilius fiat, debita ad id introducta juris remedia implorat; In petitorio verò petit, ut res quæ ad ipsum jure dominii vel quasi pertinet, ipsi adjudicetur & verus illius dominus sententiâ judicis declaratur &c. *l. 25 §. 1. π. de R. V.*

Cum itaque ad eò diversa sint hæc judicia quæritur hinc an in uno judicio cumulativè concurrere possint? Ubi notandum est non quæri hic, an hæc actiones concurrere possint *electivè* quod sit, quando plures quidem diversæque actiones de una eadem re primo competunt; Sed si deinde una ex iis electa & in judicium deducta fuerit, reliquæ expirant & consumuntur *§. ceterum §. Inst. quod cum eo. qui in alien. pot. negot. l. eligere §. §. 1. π. de trib. act. l. qui servum 34. §. 1. de O. & A. l. pro socio 38. §. 1. π. pro socio.* ad quam cumulationem etiam refert *Bachov. in not. ad Wesenb. de priv. delict. n. ult. l. fin. π. de furt.* Exemplum est in *d. §. §. Inst. eod.* ubi pro eo, quod servus peculium habens & negotiationi præpositus, in res domini utiliter impendit, triplex competit actio, institutoria, de peculio & de in rem verso, sed una electâ reliquæ pereunt. Sic legatario cui certa species aut corpus legatum est, plures competunt pro isto legato actiones, nimirum rei vindicatio, actio personalis ex testamento & hypothecariâ, sed non nisi *electivè*, ita ut unâ electâ cæteræ consumantur *l. cum filius 76. §. 8. de legat. 2. l. hujusmodi 84. §. ult. de legat. 1. §. sed olim. 2. Inst. eod.* Neque *successivè* quando plures actiones circa eandem rem ita concurrunt, ut unâ finitâ altera demum locum habeat, veluti interdicta recuperandæ vel adipiscendæ possessionis, & rei vindicatio *l. ult. C. quor. bonor. l. 14. §. ult. π. de except. rei jud. arg. d. l. 24. π. de R. V. §. retinenda 4. Inst. de Interd.* Plura de actionum cumulatione & concursu vid. *ap. Horom. in illustr. quest. c. 27. & Bachov. in not. ad Wesenb. Parat. de priv. delict. n. 4. Cujac. 8. obs. 24.* quibus addi potest *Vincentius Cabotius lib. 1. π. disput. jur. cap. ult.* Deinde mihi quoque, non sermo est de interdictis retinendæ possessionis, quippe quæ cum petitorio cumulari haud posse natura illorû interdictorum ostendit, & Dd, plerumq; affirmant *Bart. in d. l. 12. §. 1. n. 22. π. de acquir. poss. quem Dd. communiter sequuntur, ut testatur Dn. Carpz. libr. 1. Resp. 71.*

n. 18. ubi plures Autores vide allegatos. Confer. Magnif. Dn. Brunnem. add. l. 3. C. de Interd. n. 2. & Eruditiff. Vinn. l. 2. Select. quæst. c. 3. p. m. 505. Contrarium tamen sentiunt Perezius ad Tit. C. de Interd. n. 20. qui mox suam sententiam ita limitat & restringit, ut non parum communi opinioni favere videatur & Zasius ad Decret. Tit. de causis poss. & propriet. n. 6. Sed quæritur hic utrum interditi adipiscendæ & recuperandæ possessionis cum rei vindicatione, de jure civili cumulativè simul concurrere, h. e. in uno libello hæ actiones conjunctim proponi, de iis simul cognosci, & unâ sententiâ terminari possint? Quod ex isto jure nego, i. quoniam hæ actiones planè diversæ sunt naturæ, dum omnibus causis, effectu nec non formâ libelli differunt, sicut ex comparatione & differentiis paulo ante traditis ad oculum patescit. Indubitatæ autem veritatis est & cuivis constat, actiones diversas cumulativè concurrere haud posse; cum quod id repugnet earum naturæ, quæ in singulis diversa est, tum quod inutiles essent futuræ differentiarum actionum ab Imperatore in universo jure civili tam sollicitè explicatæ. Quod Ictus Paulus in l. singulis 6. ff. de except. rei jud. eleganter explicavit, quando ad Edictum ita commentatus est: Singulis controversiis singulæ actiones ad eas terminandas introductæ sufficere debent, ne pluribus diversisque actionibus modus litium multiplicatus, summam atque inexplicabilem faciat difficultatem, maximè si diversa pronunciarentur. Illud quidem de jure civili certum est & in praxi ita observari testatur Dn. Habrius in not. ad Wesenb. de priv. delict. n. ult. actionem civilem adungi posse criminali & contra, verum non æquè principaliter sed incidenter per l. cum civili 3. C. de ord. Judic. veluti si quis furem criminaliter ex Constitutione Carolina accusaret & simul incidenter imploraret officium Judicis ut res ablata sibi restituerentur, l. interdum 56. §. 1. ff. de furs. vel contrario modo si quis ad rei ablata restitutionem ageret civiliter & simul poenam judicis arbitrio imponendam peteret; tum utraqve actio unâ sententiâ terminari potest; nisi incidens quæstio fuerit præjudicialis, quæ priùs tunc finienda est, d. l. 3. C. de ord. Judic. & in ea Dn. Brunnem. n. 4. Præjudicialis autem quæstio dicitur quæ totius causæ fundamentum continet, ut si quis testes contra se productos crimine

falsi accusaret. *Ricc. Coll. decis. 409. Matib. de Affl. decis. 229.* Si ve-
 rò utraqve causa principaliter instituta fuerit, tunc civilis ces-
 sat donec criminalis finiatur, *l. fin. C. eod. confer. Autores à Dn.*
Brunnem. in d. l. allegati. Deinde etiam ex Jure Civili patet ac-
 tionem hypothecariam cum personali cumulativè concurrere
 posse, quod aperte constat ex *Nov. 4. c. 2. vers. contra principales.*
add. Myns. 1. observ. 58. Charond. 4. respons. 52. Sed quis non ani-
 madvertit has actionum cumulationes planè esse alienas ab ea,
 de qua nos quærimus; aut enim incidenter tantùm non principa-
 liter fieri possunt; aut ex eadem causa vel etiam diversis, sed circa
 eandem rem istæ actiones competunt, ubi nulla diversitas quoad
 formam libelli, sententiæ vel aliarum causarum deprehenditur;
 quare etiam rectè cumulari possunt; *l. non est novum. 10. π. de*
act. empt. Sed hæ actiones in quæstione propositæ nihil commune
 habent, neque de una sed diversis rebus competunt; possessio e-
 nim nihil commune habet cum proprietate ut docet *Ulp. in l. na-*
turaliter 12. §. 1. τ. de acquir. poss. Illa enim facti, hæc juris est *l. de-*
nique 19. π. ex quib. caus. major. in integr. l. 1. §. 3. & 4. τ. de acquir.
poss. Unde etiam insociabiles actiones parant dominium sive
 proprietatem rei vindicationem *l. in rem 23. π. de R. V. §. 1. Inst. de*
Act. possessio verò actionem personalem sive interdictum *l. 1. §.*
pen. π. de Interd. Quapropter hæ actiones contrariæ dicto modo
 in uno judicio cumulari non possunt *l. qui servum 34. π. de O. &*
A. Confer. Magnif. Dn. Job. Strauch. Dissert. Juslin. 23. apb. 11. & 129
Ant. Fab. in Cod. suo tit. unde vi defn. 8. Deinde hæc sententia per-
 spicuis & claris verbis probatur *in l. ordinarii 13. C. de R. V. ubi*
Imp. Diocl. & Maxim. rescripserunt, ordinarii juris esse ut prius
de possessione judicetur; ac tunc demum proprietatis causa ab
eodem judice decidatur. Cujus juris antiquissimi & ordinarii
 ratio non obscura est, siquidem antè omnia constare debet, quis
 sit verus possessor antequam de proprietate judicari potest *l. inter-*
litigantes 62. τ. de Judic. Idem jus dicti *Imp. repetierunt in l. 3.*
C. de Interd. Eodem modo etiam ante seculum & quod excelle-
 rat, rescripsisse Hadrianum τὸ νόμῳ τῶν Θεοσάλων annotavit
JCtus Callistratus in l. si de vi 37. π. de Judic. scilicet prius de vi vel
 possessione quam proprietate rei cognoscendum esse. Quod
 etiam

etiam *Imp. Severus in l. 1. C. de Appell.* novo decreto confirmavit. Tercio hujus sententiæ veritas inde patet, quoniam juris civilis ratio non permittit ut alio modo quam jam diximus in his judiciis procedatur; lites enim aliter expediri non possunt nisi alter petitor alter possessor fuerit *d. l. 62. c. de Judic.* quando verò cum interdicto recuperandæ vel adipiscendæ possessionis rei vindicatio concurrat, tunc nullus adhuc possessor est; Is enim à quo res petitur, si effectum juris spectamus; possessor dici haud potest *l. non videtur 22. c. de acquir. poss.* sed potius is qui actionem ad possessionem recuperandam habet, possidere videtur *l. is qui 15. c. de R. J. l. is apud. 143. c. de P. S. l. si quæ vi. 17. c. de acquir. poss.* Itaque necesse est ut in possessorio Judex prius cognoscat & sententiâ possessorem constituat; quod etiam nisi fecerit justè ab eo provocabitur *d. l. 1. C. de appell.* Denique id confirmari potest rationibus ab impossibili petitis; Si enim de possessione & proprietate cumulativè quis ageret, difficilè foret ut exitum judicium reperiat *l. exitus 35. c. de acquir. poss. l. inter litigantes 62. c. de judic.* Etenim Judex non de utraque causa sententiâ ferre potest, quoniam verum possessorem hætenus ignoravit, & nemo petitoris partes adhuc sustinuit dominiumque probavit, quod onus post latam sententiâ in possessorio devolvitur in reum *d. l. 35. c. de acquir. poss. §. 4. Inst. de Interd.* Si verò de una scilicet possessione judicare vult & possessorem constituere, apertè constat plus esse in judicium deductum quam Judex unâ sententiâ terminari potest, & proindè inutiliter facta est cumulatio harum actionum in libello. Hinc *Magnif. Dn. Brunnem. ad l. incerti juris 3. C. de Interd. n. 7.* scribit, non facilè contingere posse ut actor utrumque sc. petitorium & possessorium in praxi conjungat, neque id consultum esse; si tamen id fieret, ille si Judex esset pronunciaret prius in possessorio, quamvis causa proprietatis ad colorandam & justificandam possessionem adjuncta esset; quam sententiâ ad *d. l. 37. c. de jud.* repetit. Confer. *Hartm. Pistor. part. 1. qu. 45. n. 13. M. Anton. Eugen. cons. 72. n. 21. seqq.* Præterea fingamus auctorem in possessorio facilè vincere posse, fortè quod paratus sit antiquiorem suam possessionem probare & ex parte rei recentiorum, quam probationem hic sufficere putant *Job. Aloys. Ricci decis.*

decif. 95. Franc. Card. Mant. decif. 181. Jofeph. Mafcard. de probat. vol. 3. concl. 1321. n. 9. Andr. Gail. 2. obferv. 75. n. 12. Vel quod etiam docere poffit fe poffeffione fuâ antiquiori vi vel dolo dejectum fuiffe, ficut id præterea in hac probatione exigit Andr. Facbin. l. 8. controuv. c. 19. quod rationi juris & veritati magis confentaneum effe docuit Magnif. Dn. Zieglerus, Præceptor meus nunquam mihi fine venerationis cultu nominandus in præf. Acad. ad Can. Redintegranda c. 6. n. 6. & 7. tamen inutilis ipfi foret hæc victoria in poffefforio, quando dictas actiones cumulavit, fi in petitorio fimul fufficienter dominium probare non poffit. Ex his igitur fatis patet has actiones planè diverfas in uno judicio fimul concurrere non poffe, ficut id jam dudum etiam obfervarunt Azo & Johannes quos nonnulli ex Recentioribus rectè fecuti funt ut Donellus ad d. l. 3. C. de Interd. n. 8. Giph. ibid. Charond. 4. refp. 28. Dn. Brunemannus Vinnius & alii. Non tollunt hujus affertionis veritatem textus juris civilis qui à Diffidentibus opponuntur, inter quos præcipuus eft l. cum fundum. 18. §. ult. π. de vi & vi arm. Nam in §. fin. d. l. deciditur quæftio; utrum is qui rei vindicationem inftituit, poftea pendente hac actione interdictum five poffefforium inftituere poffit? quod Papinianus, Cujacii judicio, omnium Jurisperitiffimus, affirmat; Neque id noftræ Sententiæ contrariatur ut quilibet facilè animadvertet. Siquidem id faltem ex Jure civili negamus utraqve hæc judicia cumulativè concurrere poffe; cujus Sententiæ contrarium ex ifta lege nunquam probari poteft. Etenim is qui rem vindicare cæpit & ex probabili errore ignoravit fibi remedium poffefforium competere, vel adeò utile & falutare illud effe, non statim renunciavit confilio Jcti in l. is qui 24. π. de R. V. fed pendente judicio petitorio, interdicto nihilominus agere poteft. Quod præter Papinianum in d. l. 18. §. 1. etiam afferuit Ulp. in d. l. 12. §. 1. π. de acqvir. poff. vid. Donell. l. 23 c. 5. l. M. & ibi Hulg. Dn. Brunnem. ad d. l. 18. n. 2. Neque tunc concurrunt hæ actiones concurfu cumulativo, quem figmentum fori noftri effe putat Giph. de Ord. judic. l. 1. c. 14. p. 119. & probat. Magnif. Dn. Job. Strauch d. differt. Justin. 23. aph. 9. in fin. fed fuccedaneo, ita ut petitorium eoufq; fufpendatur, dum de poffefforio cognofcitur Fab. Acorombonus in repetit. l. naturaliter §. nihil commune π. de acqvir.

acquir. poss. n. 101. 116. & 118. Purpuratus in repetis. l. edita C. de edend. n. 119. Non magis obstat *Nov. 4. c. 2. v. principales* ut supra ostendi; siquidem pro una eademq; re istæ actiones competunt; Itaque Creditor uno eodemqve libello rectè petere potest, ut vel ducenta, quæ ipsi ex contractu fortè debentur, solvat debitor, vel pignus quod pro iis erat obligatum & ipse jam possidet, restituat; & tunc factâ probatione in unum petitionis membrum, ut vel solvat vel restituat pignus, condemnatio fieri debet. Dux autem hæ actiones, quæ disjunctivè in uno libello cumulantur, ad unum finem tendunt, scilicet securitatem creditoris. Idem responderi potest ad *l. 10. m. de act. empt. vid. Dn. Strauch. d. diff. aph. 12.* nam si creditor duas obligationes de diversis rebus habet separatim etiam duarum actionum commodum uti potest; Quod si verò in hærede istæ obligationes concurrant, post aditam hæreditatem unâ actione utriusque contractus commodum consequitur, ut tradit *Ulp. in d. l. 10.* Denique huic assertioni mirum in modum contrariari credunt dissidentes *l. singulis 6. m. de except. rei jud.* quasi illic *JCtus Paulus* traderet, quod in judiciis petitorio & possessorio separatis actionibus propositis, unus judicati finis sufficere possit: Quæ interpretatio non modo Juri civili contraria sed à mente Jurisconsulti longè aliena est, sicut perspicuus illius legis sensus probat; quando traditur ad exceptionem rei judicatæ sufficere debere, si causa semel judicis sententiâ terminata sit & præterea additur singulis controversiis singulas actiones sufficere debere; Unde hæc lex contrariæ opinioni magis refragatur ut supra quoque indicavi. Ex jure civili itaque hæc quæstio aliter quam dixi justè decidi haud potest. Aliud verò dicendum est, si de Jure Can. quæretur *per c. 3. 4. 5. & 6. x. de caus. possess. & propriet.* Ubi Pontifex *Innocentius III.* deceptus *d. l. 18. §. 1. De vi & vi arm.* constituit ut possessorio & petitorio simul experiri liceat; quod jus in judiciis observari tradit *Dn. Habnins in not. ad Wesenb. Parat. de Interd. n. ult. Dn. Carpz. l. 1. Resp. 71. n. 12. & plures ab eo citati;* quibus tamen contra dicit *Brunnem. ad d. l. 3. c. de interd. Donell. & Giphan. ibid.* Illud verò miror quod *JCtus ille summus Carpzov.* communem *Dd.* errorem secutus, ex textibus juris civilis hanc cumulationem probare voluerit, quod sicut ex supra adductis

ductis ad oculum patet, verè & convenienter haud fieri potest.
 Si verò contingeret hodiè horum judiciorum cumulatio in judi-
 ciis; fortè quod causarum patroni non satis intelligerent commo-
 da possessionis, vel quod actor plenè & perspicuis probationi-
 bus instructus, unâ sententiâ & possessionem & proprietatem im-
 petrare desideret, ut existimat; *Carpz. l. 1. Respons. 14. n. 2.* De quo
 tamè dubito an certo & præmeditato consilio id fieri possit, quan-
 doquidem diversa est harum probationum natura dum in petito-
 rio multis modis actoris intentio impediri potest, & possessionis
 commoda adeò proficua, ut impetratâ in possessorio possessione,
 reus deinde probationes suas tutius per modum exceptionis op-
 ponere possit; Unde etiam est illa cautela quam ex *Borgn. Ca-
 vale. part. 2. decis. 23. n. 107. seqq. Bernb. Grav. l. 1. conclus. 7. confi-
 der. 2. n. 15.* novitiis Advocatis suppeditat, ne scilicet si possessorii-
 um summarium intentaverint permittant, ut reus terminos ju-
 dicii excedat & positiones ad possessorium ordinarium sive peti-
 torium pertinentes producat: Tunc existimo in Judiciis arbitrio
 positum esse utrum prætermisso petitorio, in solo possessorio pri-
 us pronunciare velit, quod vult *magnâ multâq. rerum experien-
 tiâ Clarissimus Brunnem. ad d. l. 3. C. de Interd. vid. supr. & probat
 g. ad ultimum 2. x. de caus. poss. & propriet. Jason. n. 180. w. de acquir.
 poss. Hars. Pistor. part. 1. quest. 45. n. 180.* ubi simul hanc curiæ Liptien-
 sis fuisse observantiam responso comprobatur. *Alexand. vol. 5. con-
 sil. 96. n. 7.* An verò probationes in petitorio etiam audire & u-
 tramque causam unâ sententiâ terminare velit, ut tradit *c. cum
 dilectus 6. x. de caus. poss. & propr. Zæsius JCtus in docendo perspi-
 cuus & facilis, in Comm. ad Decret. b. t. n. 7. & Dd. ibid.* Hinc faci-
 le judicium formari potest de eo quod tradidit *Thom. Grammat.
 consil. 48.* scilicet Principis rescriptum nullum esse, quod mandat
 utramque causam possessionis & proprietatis pari cognitione &
 sententiâ terminandam esse, quoniam istiusmodi rescriptum
 contra jus foret; Quis enim Principis potestatis adeò ignarus est,
 ut non animadvertat hoc falsum esse? *Confer. Anton. Thessaur. de-
 cis. pedem. 15.*

De Jure Saxonico certum est per novissimam decisionem
 Electoralem 13. hæc judicia haud cumulari debere; Verba d. const.
 hæc

hæc sunt: Es haben sich unsere Deputirte nunmehr dahin vergli-
chen daß das possessorium und petitorium nicht vermengt wer-
den soll &c. Si tamen Actor in intentato possessorio probatio-
nes petitorii perspicuas adducat & reus ad eas respondeat in
Judiciis, arbitrio positum est, in petitorio etiam pronunciare, d.
conf. verf. Würde aber kläger &c.

*An potestas s. Jus circa sacra quod Status pro-
stantes habent rectè dicatur Episcopale?*

QVod potestas externa circa sacra s. religionem, in quan-
tum est opus humanæ voluntatis h. e. quatenus in Republ.
proponi, promulgari, conservari & caveri debet ne refractarii
contradicant, pertineat ad summum in Republ. Imperium non
prolixè jam probabo. Quandoquidem cuivis erudito facile
constat, quod civilis Reipubl. beatitudo inter Christianos haud
obtineri possit, nisi Princeps s. summa potestas sacras religionis
curas prudenter habeat & verum veri DEI cultum conservare
& promulgare piè studeat; Unde etiam hæc potestas in initio
rerum ipso jure naturæ adeoque Deo auctore Principibus Or-
thodoxis tributa est, sicut sacre historię in pandectis divinis tes-
tantur de omnibus sancti Dei populi Regibus & Judicibus; Nec
non postea apud Imperatores, qui veram de Deo doctrinam
amplexi sunt, tam quoad habitum quam exercitium constanter
permanit: Sicut historię demonstrant & ex Justin. Codice satis
probari potest. Interna vero potestas quæ in informatione
de DEO & reliquis fidei articulis nec non administratione sa-
cramentorum consistit, Episcopis & reliquis legitimè constitu-
tis Ministris duntaxat competit, quibus hæc potestas mediata
à Deo per Apostolos collata est. Hi enim Ecclesiæ Dei in his
terris præpositi sunt ut eam aristocraticè rectè gubernent, unde m.
finem supernaturalè propositum habent & solum æternam a-
nimarum salutem quærunr. conf. *Imp. Justin. in præfat. Nov. 6.* ubi
elegantè & accuratè Imperium & sacerdotium distinguit. Sed

sed sede s. civitate in qua erat arcessebatur, ut probat *Can. 28. Con-*
cil. IV. Chalcedon. ann. Dn. 451. celebratis; nec non can. 3. Concil.
Constantinop. II. Confer. Euseb. l. 3. de Vit. Constant. c. 7. Socrat. l. 1. c.
5. ubi Episc. Rom. προσεδῶς s. præses appellatur add. Ammian.
Marcell. scriptor gentilius l. 15. p. m. 47. Igitur primo titulum
 Episcopi Oecumenici una cum Episcopo novæ Romæ s. Con-
 stantinopolitano à Justino teste Isidoro impetrarunt, quem con-
 firmavit Justinian9 vid. *Nov. 131. c. 2.* ac non longè post Imp. Phoca
 illum Bonifacio III, excluso Constantino politano Cyriaco; con-
 tulit. *P. Disc. l. 8. Platin. in Bonif. III.* Sed ulterius ipsorum insol-
 lentia processit, quando se universales Ecclesiarum totius orbis
 antistites obtrudebant *Clem. pastoralis de sent. & re jud. c. 1. Ex-*
trav. de treug. & pac. c. unic. de consuetud. c. 13. de præbend. &c. Im-
 perium in Imperatorem Reges & Principes ad se rapere stude-
 bant, ita ut credi juberent, in ipsorum potestate positum esse, re-
 gna mundana pro lubitu transferre, adimere, temperare consti-
 tuere vid. *Gold. in Replie. pro Imp. c. 9.* Imò ipsis in omnem omni-
 no humanam creaturam imperium competere *Extrav. comm. c. 1.*
circa fin. de major. & obed. Quapropter Majores nostri sapius
 hanc Hieromarchiam vel tyrannidem ecclesiasticam impugnare
 aucti sunt, sicut constat ex *Avissamentis Constantiensibus ad Concili-*
um Constantiense ann. 1416. Avissamentis Moguntinis de ann. 1427.
Concordatis Nationis Germanica cum Nicolao V. de quibus videri
potest Hedio in Hist. Eccles. libr. 11. c. 21. nec non aliis quærelis,
quæ dicuntur gravamina nationis Germanica cum remediis & avi-
samentis & videri possunt ap. Goldastum Tom. 2. Reces. fol. 119.
Freber. Tom. 2. rer. germ. f. 373. Quibus addi possunt centum gra-
 vamina Noribergæ Pontificis Oratori exhibita, quæ latinè ex-
 tant *ap. Gold. Tom. 1. Constit. f. 456. germanicè ap. Hordled. von*
Ursachen &c. l. 1. c. 1. Plura alia præclara scripta, hanc omnipo-
 tentiam Romanam ante Lutherum impugnantia, collecta sunt,
 à Simon. Schard. *JCro in tract. de Imper. Jurid & Goldast. in Tr. de*
Monarch. Imper. Sed semper irrito conatu id tentarunt: Donec
 superiori SEC: per *Confessionem Augustanam* ejusq; *Apologiam*
 nec non *Articulos Schmalcaldicos* hæc sacra Hierotyrannidis de-
 lecta & non parum debilitata est: quæ res diuturnum & crudele
 bellum

bellum excitavit donec tandem multo sanguine fuso primo per transactionem *cutaviensem* deinde *passariensem* deniq; *pacificacionem religiosam* pax restituta & causa ira composita est ut externum Ecclesiæ regimen Status protestantes retinerent integrum; internum vero illi Ecclesiæ Ministris iterum concesserunt & reliquerunt saluum. Illa autem potestas quæ circa sacra externè occupata est, communiter à Doctoribus appellatur Jus Episcopale, quod num rectè & convenienter fiat hic quæro? Verum ex supra dictis jam patet id minus verè & rectè fieri; Si quidem jus circa sacra, quod in externa directione versatur, vi summi Imperii ipso jure naturæ summæ in Republ. potestati competit: quando vero injustè & tyrannicè hoc jus ab Episcopis Romanis etiam usurpatum & in clerum suum transfusum fuit; postea vero Status protestantes id postliminiò quasi repetitive runt & vindicarunt, non minus rectè Episcopale illud vocatur, quam res furтива à vero domino condita & iterum justè pos sessa, res furis dici potest. Sicut etiam haud accuratè traditur Principes nostros duplicem sustinere personam ecclesiasticam & secularem, imo ipsos jura Episcopalia per modum contractus fiduciaarii aut usufructuariè vel tanquam ex deposito exercere; Deniq; etiam non rectè asseritur ab omnibus ferè Jus circa sacra in his tribus consistere, in ordine, lege Diœcesana & lege Jurisdictionis, vid. de posterioribus duobus membris *c. dilectus 18. x. de offic. Jud. Ordin. & Gl. ibid. confer. Innocent. Ziron. non meo sed Magnif. Dn. Job. Strauchii* judicio diligens & accuratus antiquitatis canonica scrutator ad Tit. de Offic. Jud. Ordin. in fin. de veritate vero hujus assertionis, vid. *Apol. Aug. Confesf. art. ult.* Quæ omnia prolixè examinare & veritatem rectè indagare mecum constitueram, sed quoniam paginas præter mentem crevisse video; Itaq; aliud necessitas voluntati imperat & hic subsistere cogor. Totum autem hoc jus sacrum sive ecclesiasticum pe-

Th. 2. Species illius ex Iure civili unica est Dominium, sub quo reliquæ tanquam sub genere vel ut effecta aut homonyma comprehenduntur.

Th. 3. Possessio recte describitur per detentionem, quæ res cum adfectione & animo habendi tenetur. Non solum autem facti sed etiam juris est.

Th. 4. Dividitur tantum in naturalem & civilem: Illa cum animo quidem habendi, sed citra conscientiam vel consensum veri domini procedit; hæc cum adfectione & consensu Domini jure tenetur.

Th. 5. Leges Codicis non derogant legibus Pandectarum neque Institutionibus.

Th. 6. Codex Theodosianus Novellæ Leonis. Ulpiani fragmenta, sententia Pauli, Institutiones Caji & reliqua Juris veterum fragmenta non minus ad decidendas etiam lites adhiberi possunt, quam jus Iustinianæum, modo observantia non repugnet.

Th. 7. In actionibus realibus confessoria & negatoria, quæ pro servitutibus competunt, diversa sunt hæc duo & propterea distingui debent, servitus ipsa quæ petitur & jus in re per quod petitur.

Th. 8. Jurisdictionis terminus nunquam in Iure civili tam latè acceptus est, ut etiam comprehendiderit Imperium meum.

Th. 9. Regimen Ecclesiæ visibilis non monarchicum sed aristocraticum, nihilominus tamen optimum est.

Th. 10. Illæ a conscientia s. jure divino ita quis rectè testari potest, ut ex latere sanguinis conjunctos ab hæreditate excludat.

Th. 11. Pacta, quæ simpliciter de jure civili nullam producant actionem, contractibus bonæ fidei in continenti rectè adjiciuntur, iisque utiliter insunt; non verò iis quæ naturam ex sola conventionione habent.

Th. 12. Partus à conceptu sexto vel septimo mense editi, vitales esse possunt & legitimi; Hinc etiam pro iis à JCrts sapius pronunciatum est.

Th. 13.

Th. 13. Jus accrescendi quod in hæreditatibus ex necessitate, in legatis ex præsumpta testatoris voluntate valet, non tantum inter re sed etiam verbis conjunctos legatarios locum habet.

Th. 14. Solâ revocatione coram 7. testibus s. simplici & causatâ prius testamentû solennè non rumpitur, secus de nuncupativo.

Th. 15. Quando Filius familias hæres institutus eiq; substitutus datus est, & ille hæreditatem repudiavit Patri præferri debet substitutus.

Th. 16. Per pupillarem substitutionem expressam, in quâ utrumq; tempus & mortis & substitutionis spectandum; excluduntur à substituto omnes hæredes ab intestato venientes etiam mater à quærela inofficiosi; Quod jus non inconvenienter quidam ad tacitam quoq; quæ in vulgari expressa continetur extendunt.

Th. 17. Usucapio etiam jure morali haud dici potest injusta; quandoquidem jure naturæ illius justitia sustinetur; modo bona fides semper adsit.

Th. 18. Plures dantur causæ exhæredationis quàm Imp. in Nov. iij. recensuit.

Th. 19. Venditor qui potestatem rei venditæ tradendi habet, præcisè ad eam tradendam tenetur, neq; interesse solvendo liberatur; Emptor vero à contractu recedere non potest, licet volens arrhas datas relinquat.

Th. 20. In vitis adulescentibus neq; ex lege Lætoria neq; ex constitutione M. Antoni Philosophi Curatores dari poterunt, secus atq; de mbris hodiernis.

Th. 21. Insula ex alveo in flumine publico nata & quoad proprietatem & quoad usum privatis ex Jure Civili pro modo prædiorum adjacentium; acquiritur; Ipse enim alveus pars privatorum prædiorum non malè censetur.

Th. 24. Is cui fundus, cujus proprietatem ex causa onerosa usum fructum ex lucrativa habet legatus est; recte ab hærede ex testamento simpliciter totum fundum petit; nam tunc toto fundo completitur id quod ipso ex causa lucrativa adhuc abest & separat intellectu usum fructum, tanquam servitutem, ab ipsa rei proprietate.

An dentur actiones mixtæ?

An pupillus sine tutoris autoritate contrahens etiam naturaliter obligetur?

Utrum hi acq̃, restitutio in integrum, missio in possessionem bonorum, datio iudicis, jubere cavere prætoris stipulatione, pertineant ad imperium merum an ad jurisdictionem?

An dominium etiam sit rerum incorporalium?

An fidejussio, in maiorem summam quam reus principalis debet facta, plane vitietur sive an valeat in summâ concurrentē?

An donatio inter vivos supervenientibus postea liberis revocari possit?

An debitor ex literarum obligatione, post elapsum biennium exceptionem non numeratæ pecuniæ cum recepto in se probandi onere, opponere possit?

An ei, qui in alieno solo bona fide ex sua materia ædificavit, nulla detur actio si ædificium non possideat, quia pretium materiæ & expensas factas consequi possit?

An bonæ fidei possessor de eo in quantum locupletior ex fructibus naturalibus & industrialibus factus est, teneatur?

An cautio s. satisfactio in quasi usufructu sit de substantia illius ususfructus?

In his quæstionibus nullam sententiam determinare volui, quandoquidem utraq; salvâ veritate exercitii causa cerro modo defendi potest. Itaq; in arbitrio clarissimorum Dñ. Opponentium relinquo, ut alterutram s. affirmativam s. negativam eligant, cujus contrarium an in conflictu sustinere valeam, videbo. Animus quidem erat plures theses & quæstiones annexere, sed angustia pagellarum id prohibuit. Tu igitur benevole Lector si in quo erratum fuerit ignosce & ingenio quod exiguum est fave.

Tibi vero Alme parens Deus, studiorum promotor
optime maxime sit

SOLI LAUS HONOR ET GLORIA,

*Ad Clarissimum nec non Virtute omnigenâ
ac literis Nobilissimum*

Don. DANIELEM PONATIUM, Pomera-
num, Amicum & Convictorem longè suavissimum,
Jurium Candidatum optimè meritum.

Dum elegantissimas animi dotes ac ingenii satis exci-
tati vires jam promiss & ostendis in publico, MI PO-
NATI, non possum quin Tibi de tam egregio Eruditio-
nis legalis specimine haud fucato pectore, & sincero
prorsus affectu gratuler. Possem quidem in tuas lau-
des longiùs decurrere, & in amplissimum quasi virtutum
tuarum, quibus reverà deditus es, campum descendere:
Sed ne domesticum hoc videatur aliis, qui Tibi & Virtu-
ti tuæ invident, testimonium & suspectum, in illis enar-
randis omnibus ero brevis & parvus admodum. Ubi re-
rum testimonia adsunt haud opus est verbis. Quapro-
pter Te optimis quibusque non verbis sed ipsâ re com-
mendo. Illa quamvis fallunt, hæc tamen virum pro-
bat suo ipsius merito. Generosus equus calcaribus haud
indiget, sic nec Tu, MI PONATI, aliquâ adhortatione,
cùm viam virtutis & gloriæ indefesso studio & assiduo
labore noctesque diesque Te calcantem motu proprio
videant omnes, qui Tibi bene cupiunt. Quæ cùm ita
sint, nil jam nisi vorum annecto: Faxit supremum Nu-
men, ut hisce exantlatis exercitiis Academicis mox in
Republ. his condigna satis capias præmia, nec in palestrâ
hâc Tibi hætenus certanti honorifica desit unquam pal-
ma & victoria. Cui meo voto DEum vires esse additu-

xietate mori debuisse. Sic perge ut pergis, & eris voti
tui meique brevi compos, id est, insigne Reipubl. litera-
riæ decus & ornamentum. Scribebam inter ser os va-
riosque labores alios raptissimè in Musæo meo Witeb.
10. Martii MDC LXXV.

VV. T. M. D.

Præses.



Ad

VIRUM CLARISSIMUM,

DN. D. PONATIUM,

multò exoptatissimum Amicum suum

CONRAD SAMUEL SCHURZFLEISCH P.P.

ET si ea studii diligentia, Tus passim laus est, ut neq, meâ, neq, a-
liorum predicatione egeat: tamen nunc res ita postulat, ut usus
consuetudinisq, nostra causa Tibi gratulari necesse habeam. Non
tantum quia plurimum opera ad artes quaslibet egregias, præcipuè
humanitatis, atq, elegantioris historia contulisti; sed quia etiam
publico pariter & præclaro exemplo ostendisti, laborem Te ejusmo-
di suscepisse, de quo verè affirmare possum, multum dignitatis emo-
lumentiq, allaturum. Atq, iis rebus, fateor, superiori laudis Tuae
cumulum addidisti, & in præsentia omnium declarasti, Te cum ra-
tione atq, consilio viam ad jurisprudentiam ingressum, jam dudum
cum animo cogitasse, quas partes in republica obire debeant, qui
statutum habent juri dicundo præesse. Quod ut tibi usu veniat,
& rerum industriâ virtuteg, pariarum certâ stabilitq, possessione sua-
riâ, summa est voti nostraq, de te expectationis. Ita de DEUS ser-
vet. Ex Musæo festinanter; VII. Mart. A clo lcc LXXV.

